

詩  
毛  
氏  
傳  
疏

詩毛氏傳疏卷二十三

長洲陳奐學

文王之什詁訓傳第二十三

毛詩大雅

文王之什十篇六十六章四百一十四句

疏文王受命武王

定天下成王告大平宣王封諸侯至若召穆衛武仍凡之刺厲刺幽皆是直陳王事而與小雅之主文諫者異矣關雎序云政有大雅焉小雅大雅者猶之諸侯之事繫召南天子之事繫周南爾

文王七章章八句

文王文王受命作周也

疏

受命者受命爲西伯也書大傳云天之命文王非啍啍然

有聲音也文王在位而天下大服施政而物皆聽令則行禁則止動搖而不逆天之道故曰天乃大命文王文王受命一年斷虞芮之訟二年伐邶三年伐密須四年伐犬夷五年伐耆六年伐崇七年而崩然則古說受命

皆謂受而伯七年之命而作周之興於焉始也遂以爲  
天之命文王若受命之年稱王其說誣也詩作於成王  
周公時故以  
文王名篇

文王在上於昭于天傳在上在民上也於歎辭昭見也

周雖舊邦其命維新傳乃新在文王也有周不顯帝命

不時傳有周周也不顯顯也顯光也不時時也時是也

文王陟降在帝左右傳言文王升接天下接人也疏在上

對于天言故云在民上也於歎辭清廟亦云於歎辭也  
二傳爲全詩於字爲歎詞者發凡起例文選陸機赴洛  
道中詩注引韓詩章句鳴歎辭又潘岳寡婦賦注引韓  
詩鳴歎聲於與鳴通辭當作詞昭見爾雅釋詁文見著  
見也大明傳云文王之德明明於下故赫赫然著見於  
天○周自大王徙岐故稱舊邦維猶乃也維新乃新也  
凡全詩中維與乃同義者放此傳云乃新在文王者言  
周至文王而始新之呂覽古樂篇周文王處岐諸侯去

殷三淫而翼文王散宜生曰殷可伐也文王弗許周公旦乃作詩曰文王在上於昭于天周雖舊邦其命維新以繩文王之德案此與小雅四牡毛傳義合則命之新當在受命六年中事也有周之有爲語詞不顯之不爲語助無實義而傳又詰顯爲光也執競傳亦云顯光也大明思齊嵩高韓奕清廟維天之命烈文執競之不顯不皆爲語助有周不顯言周德之光明也帝天也文王受命於殷之天子是即天之命矣十月之交豈曰不時傳時是也與此不時訓同而義別不是是也是是周也言帝命是周也即周雖舊邦其命維新之義○傳云升接天下接人以釋文王陟降句在帝左右即所謂升接天也天亦在民上故文王之下接人者本天之意而爲之墨子明鬼下篇若鬼神無有則文王既歿彼豈能任帝之左右哉此但解在帝左右句

疊疊文王令聞不已傳疊疊勉也陳錫哉周侯文王孫

子文王孫子本支百世傳哉載侯維也本本宗也支支

子也凡周之士不顯亦世傳不世顯德乎士者世祿也

〔疏〕聲者聲之俗聲從分聲故隸變又作齊鳧驚之聲音  
門聲之聲轉也後箋云古聲字本有勉義襄二十六  
年左傳夫小人之性聲於勇杜注聲動也動與勉義相  
近案文選束皙補亡詩注引毛詩傳重勉字爲後人誤  
衍單字釋經雙字不重勉字也爾雅釋詁齊齊勉也此  
傳所本也玉篇且部齊齊猶微微也義本三家已止也  
令聞不已言善聲聞之悠久也墨子作問○宣十五年  
昭十年左傳皆引詩曰陳錫載周能施也周語芮良夫  
引大雅曰陳錫載周是不布利而懼難乎故能載周以  
至于今詩作哉內外傳作載故傳以載詁哉也載見傳  
載始也哉爲載載又爲始此一義之申序云文王受命  
作周左傳云文王所以造周作造皆始也箋云哉始也  
能敷恩惠之施以受命造始周國是也侯訓維語詞侯  
猶乃也下文侯于周服侯服于周同傳訓侯爲維維亦  
乃也爾雅維侯也侯乃也維謂之侯侯謂之乃侯謂之  
維維謂之乃其義一也王肅云文王能布陳大利以賜  
予人故能載行周道致有天下唯文王孫子受而行之  
本者天子之世長子世爲天子僖五年穀梁傳云天子  
世子世天下也本宗者一本之宗版傳云王者天下之  
大宗是也支莊六年左傳引詩作枝同支子者天子庶

子出封爲諸侯諸侯之世長子亦世爲諸侯爲羣姓之  
大宗今文王既受命其後子孫能王天下於是武王爲  
繼體長子百世不遷其管蔡郕霍魯衛毛圻郕雍曹滕  
畢原鄆郇十六國皆文王支子亦百世不遷本支百世  
謂本支皆百世也昭八年左傳云臣聞盛德必百世祀  
○傳云不世顯德乎者正言之不爲語詞反言之則下  
加乎字以足其義此句例也士者世祿傳引孟子文以  
申釋經世字之義正義本士作仕五經異義公羊說春  
秋書尹氏崔氏爲譏世卿世卿卽是世位是天子諸侯  
之大夫皆不世位也左氏說卿大夫得世祿不得世位  
父爲大夫歾子得會其故采而有賢才則復升父故位  
是卿大夫不世位而世祿有功德則亦世位許鄭皆從  
左氏說孟子梁惠王篇仕者世祿趙注云賢者子孫必  
有土地又滕文公篇夫世祿滕固行之矣注云古者諸  
侯卿大夫士有功德則世祿賜族者也官有世功也其  
子雖未任居官得世會其父祿賢者子孫必有土之義  
也趙亦與左氏說同毛傳言世祿不言世位有大功德  
皆世無大功德則皆不世何以明之緇衣傳云有德君  
子宜世居卿士之位焉是唯有德者世位此卽王制所  
謂天子大夫不世爵之義又干旄傳云古者臣有大功

世其官邑官邑卽是爵祿是唯有功者世爵祿此卽王制所謂諸侯之大夫不世爵祿之義此傳云不世顯德乎士者世祿也蓋有顯德必當世位世祿實兼世位故箋申之云凡周之士謂其世有光明之德者亦得世世在位重其功也毛傳釋詩皆就有大功德者而言故無世祿不世位之文說稍異而義實同

世之不顯厥猶翼翼傳翼翼恭敬也思皇多士生此王

國王國克生維周之楨傳思辭也皇天楨榦也濟濟多

士文王以寧傳濟濟多威儀也疏

世之不顯言世有顯德耳猶道也恭敬下

也字今補言顯德之人其持道恭敬爾雅翼翼恭也郭注云恭敬與傳訓同○思發語之辭漢廣思辭也思語已之辭二傳爲全詩思字發凡也辭皆當作詞正月傳皇君也皇者尊大之稱故皇謂之君又謂之天矣思皇多士生此王國言天多士生此文王之國也史記周本紀文王禮下賢者日中不暇食以待士士以此多歸之伯夷叔齊在孤竹聞西伯善養老益往歸之大顛閔夭散宜生鬻子辛甲大夫之徒皆往歸之繁露郊祭篇傳

曰周國子多賢蕃殖至于駢孕男者四四產而得八男  
皆君子俊雄也此天之所以興周國也案此王褒所謂  
故世平主聖俊艾將自至也楨榦釋詁文易文言傳貞  
者事之餘也貞固足以榦事楨與貞通嵩高維申及甫  
維周之翰傳翰榦也文義相同濟濟是狀士有光輝之  
德故傳云多威儀也爾雅濟濟止也止容止也多威儀  
即容止之義成二年左傳云夫  
文王猶用眾是釋經多士之義

穆穆文王於緝熙敬止傳穆穆美也緝熙光明也假哉

天命有商孫子傳假固也商之孫子其麗不億上帝既

命侯于周服傳麗數也盛德不可為眾也疏穆穆美爾

又釋詁云緝熙光也傳於光義未盡又益明義維清敬  
之箋及大學注竝云緝熙光明也禮記大學篇引詩而  
釋之云為人君止於仁為人臣止於敬為人子止於孝  
為人父止於慈與國人交止於信抑淑慎爾止傳止至  
也彼引大學文為說則知此敬止即敬至也言美哉穆  
穆然文王其德光明而又能敬至也於發聲昊天有成



命篇同。○假讀與固同。此假借也。廣雅賈固也。假賈固聲竝近。假之讀爲固。猶賈之讀爲固矣。有語助有商。商也。與上傳有周。周也。同例。詩蓋言天命之於商。孫子亦堅固也。下接言商之孫子。玄鳥篇商之先后受命不始在武丁。孫子下接言武丁。孫子句意正相同。箋讀有爲有無之有云。天爲此命之使臣有殷之子孫。似失語意。玩下經文。上帝既命。既字傳文則見。天命之無常則字可見。麗讀爲敝。此亦假借也。方言敝數也。說文玉篇廣雅同。王引之釋詞云。不語詞不億億也。商之孫子其麗不億猶云。子孫千億耳。箋以爲不徒億失之。趙岐孟子注誤與箋同。案王說是也。商孫子之數億可爲眾矣。侯維也。孟子離婁篇引詩而釋之。孔子曰。仁不可爲眾也。夫國君好仁。天下無敵。孟子言仁。毛傳言盛德一也。王肅云。商之孫子有過億之數。天既命文王。則維服于周。盛德不可爲眾。

侯服于周。天命靡常。傳則見天命之無常也。殷士膚敏。裸將于京。厥作裸將常服。黼黻傳殷士殷侯也。膚美敝。

疾也裸灌鬯也周人尚臭將行京大也黼白與黑也

般冠也夏后氏曰收周曰冕王之黻臣無念爾祖傳蓋

進也無念念也疏靡無也靡常無常也商孫子服於周

就之惡則去之荀子天論篇云天行有常不為堯存不

為桀亡應之以治則吉應之以亂則凶繫露堯舜不擅

移湯武不專般篇云言天之無常子無常奪也引詩竝

與傳義同○傳以般士為般侯謂般諸侯也文王為西

伯般諸侯自有來助祭於周廟者以見天命之無常蓋

毛意以般之未薨言之也漢書劉向傳孔子論詩至於

般士膚敏裸將于京喟然歎曰大哉天命善不可不傳

於子孫是以富貴無常不如是則王公其何以戒慎民

眠何以勸勉蓋傷微子之事周而痛般之亡也白虎通

義三正篇詩曰厥作裸將常服黼黻言微子服般之冠

助祭於周也據劉向班固說以般士即微子然微子朝

周在成王時去薨般已久翼奉傳亦云周公作詩漢戒

成王以恐失天下詩曰殷之未薨師克配上帝宜監于

般駿命不易與毛詩皆不合下文箋王成王本三家說

膚美狼跋同生民傳敬疾也將事齊敬也與此敬訓疾  
義同裸灌疊韻也即秬鬯也秬鬯灌神是謂之灌鬯早  
鹿傳云九命然後錫以秬鬯圭瓚是文王九命作伯得  
用灌鬯也周人尚臭禮記郊特牲文周禮小宰凡祭祀  
贊裸將之事將訓行行灌鬯之事也京大釋詁文大明  
皇矣公劉同于京言于是大也正義以京為京師失之  
趙注孟子誤同○采叔玄衮及黼傳白與黑謂之黼與  
此同也鄭注王制云冕服有虞氏十二章周九章夏殷  
未聞案此言黼正謂冕服章數之一古人重畫章特舉  
刺章之一者畧耳詩於般言黼鬯猶論語於夏言黻冕  
黼黻皆黼刺於裳也說文無鬯五經文字云字林作𦘒  
經典相承隸省作鬯傳釋鬯為般冠而又兼引夏周之  
冠者般之鬯夏后氏之收周之冕其冠制相似也王制  
夏后氏收而祭般人鬯而祭周人冕而祭白虎通義紼  
冕篇禮曰周冕而祭又曰般鬯夏收而祭此三代宗廟  
之冠也尋收並與周冕並稱玉篇鬯覆也殷之冕也史  
記裴駟集解引太古冠冕圖云夏名冕曰收據此則尋  
收即夏般之冕矣尋收之制不可得而詳今以周冕言  
之禮記禮器云天子之冕朱綠藻十有二旒諸侯九上  
大夫七下大夫五士三是天子冕十二旒諸侯九上公

九命衮冕九旒也上大夫七天子上大夫比侯伯九旒七旒也下大夫五天子下大夫比子男七旒三天子上士比公之孤希冕三旒也天子之中士下士與列國之卿大夫玄冕無旒白虎通義謂士爵弁無旒是也大夫而冕有旒者若晉士會之有黻冕是也鄭注弁師云天子衮衣之冕十二游毳衣之冕七游希衣之冕五游玄衣之冕三游是唯天子玄冕有三旒矣有旒曰冕無旒則曰弁弁師王之弁經弁而加環經司服凡弔事弁經服周禮載天子之服不著爵弁者弁卽爵弁也故檀弓天子之哭諸侯也爵弁經純衣又襍記大夫之哭大夫弁經太夫與殯亦弁經大夫有私喪之葛則於其兄弟之輕喪則弁經弁經者以爵弁而加環經也天子以爵弁加環經爲弔服不加環經而加旒爲玄冕儀禮士爵弁純衣純衣猶天子五冕皆玄衣也爵弁猶天子之玄冕也故士冠禮郊特牲所記三加爵弁之文而云周弁殷冔夏收周與夏殷之冕竝記之也檀弓下周人弁而葬殷人冔而葬亦周殷之冠弁記之也周人爵弁無旒則夏殷之冕無旒可知也爵弁同玄冕五冕又皆同玄冕雖有十二旒九旒七旒五旒三旒之差而其體實與爵弁同制則知周之冕要從夏殷之冕特章

大之唯士有爵弁所以存其古也說文云弁冕也夏曰  
 收殷曰尋周曰弁獨斷云周曰爵弁殷曰尋夏曰收何  
 注宣元年公羊傳云夏曰收殷曰尋周曰弁加旒曰冕  
 ○蓋進釋詁文逸周書皇門篇朕蓋臣夫明爾德孔注  
 云蓋進也義與此同王文王也臣殷諸侯也言文王進  
 殷臣而誥教之也酒誥云乃穆考文王肇國在面土厥  
 誥毖庶邦庶士是文王誥教邦事也傳釋爾祖為爾庶  
 國之祖對殷諸侯言故下章云爾庶國亦當自求多福  
 是文王進爾庶國誥教之辭也無發聲無念爾祖念爾  
 祖也文二年左傳云詩曰毋念爾祖聿修厥德孟明念  
 之矣念德不怠其可敵乎左釋詩亦以毋為發聲  
 傳所本也毋與無通昭二十三年傳引詩作無

無念爾祖聿修厥德永言配命自求多福傳聿述永長

言我也我長配天命而行爾庶國亦當自求多福殷之

未喪師克配上帝傳帝乙已上也宐鑒于殷駿命不易

傳駿大也疏爾爾庶國也爾雅律述也通述也古聿律

通通通用聿同曰故詩中聿字皆語詞無實

義唯此聿爲述漢書東平思王傳及後漢書宦者呂強傳引詩皆作述此聿述聲通之證述當讀如述所職之述無念爾祖述修厥德言爾祖能述所職爾庶國亦當念勤修爾祖之德也江漢云無曰予小子召公是似肇敎戎公用錫爾祉文義相同傳訓永爲長與卷耳漢廣常棣同箋云長猶常也訓言爲我與葛覃泉水彤弓同下武永言配命箋永長言我也正本此傳乃箋於此言讀爲言語之言不從傳矣云我長配天命而行者釋永言配命句云爾庶國亦當自求多福者釋自求多福句桓六年左傳鄭大子忽曰詩云自求多福在我而已昭二十八年傳仲尼聞其命賈辛也以爲忠詩曰永言配命自求多福忠也竝與傳意合○喪亡師眾也書酒誥云在筭殷先哲王迪畏天顯小民經德秉哲自成湯咸至于帝乙成王畏相惟御事厥棐有恭不敢自暇自逸多士云自成湯至于帝乙罔不明德恒祀亦惟天丕建保乂有殷殷王亦罔敢失帝罔不配天其澤多方云乃惟成湯克以爾多方簡代夏作民主慎厥麗乃勸厥民利用勸以至于帝乙罔不明德慎罰亦克用勸皆謂帝乙已上能配上帝此傳義所本也宜鑒于殷禮記大學引詩作儀監駿大釋詁文嵩高噫嘻長發同禮記作峻

命之不易無遏爾躬宣昭義問有虞殷自天傳遏止義

善虞度也上天之載無聲無臭儀刑文王萬邦作孚傳

載事荆法孚信也疏爾躬者言無於爾躬止也歌字無止

韓詩云遏病也韓讀遏為害與毛訓異意同宣昭明昭

也時邁臣工皆作明昭離曰宣哲即明哲桑柔曰宣猶

即明猶鴻雁曰宣驕即明驕淇奧傳曰宣箸即明箸是

宣與明同義杜注傳二十七年左傳韋注晉語皆云宣

明也正義云義善釋詁文今爾雅作儀儀與義通問讀

為問善問猶令聞也若令聞作令問之例虞度釋言文

度殷自天言度殷之未喪師者皆自天也度猶鑒也抑

傳詁虞為度度法度也與此異○載讀與事同禮記中

庸篇上天之載注載讀曰栽謂生物也王應麟困學紀

聞以為是韓詩與謂毛訓載為事實包括生物之義漢

書楊雄傳上天之粹或從齊魯詩玉篇云粹事也載也

說文不錄粹字荆法釋詁文刑古型字思齊抑我將同

我將儀式荆文王之典傳云儀善也案此傳義訓善則

儀亦當訓善或毛所據詩本作義也善法文王言文王

之善法天也襄十三年左傳引詩曰儀刑文王萬邦作孚言刑善也又昭六年傳引詩曰儀刑文王萬邦作孚服虔注云儀善也刑法也善用法者文王也言文王善用其法故能為萬國所信也杜從服說不就法文王者言也孚信釋詁文儀刑文王性與天合也萬邦作孚受命作周也襄三十年左傳詩曰文王陟降在帝左右信之謂也雜詁周公曰作周孚先

### 大明八章四章章六句四章章八句

大明文王有明德故天復命武王也

明明在下赫赫在上

傳明明察也文王之德明明於下

故赫赫然著見於天天難忱斯不易維王天位殷適使

不挾四方

傳忱信也紂居天位而殷之正適也挾達也

疏

明明察爾雅釋訓文常武傳亦云明明然察也生民傳赫赫顯也重言之曰赫赫明明赫赫皆是形容文王



之德在上與在下對文下爲天之下則上爲天矣在與  
於同義全詩放此○忱漢書貢禹傳後漢書胡廣傳續  
漢書律曆志論繁露如天之爲篇潛夫論卜列篇皆作  
謀說文引詩亦作謀蕩其命匪謀說文引詩作忱與今  
本毛詩互異說文忱蕩代東齊謂信忱也爾雅謀信也  
忱謀說同韓詩外傳云傳曰言爲王之不易也引詩天  
難說斯不易惟王韓詩亦作說易以豉反毛義當同也  
正義引鄭注書序微子啓紂同母庶兄紂之母本帝乙  
之妾生啓及衍後立爲后生受德案呂覽當務篇與鄭  
注同而殷本紀索隱又以啓紂異母其謂紂爲殷之正  
適則一也爾雅浹徹也挾浹同聲達徹同義韓詩外傳  
云紂之爲主勢民力冤酷之令加於百姓慚悽之惡施  
於大臣羣下不信百姓疾怨故天下叛而願爲文王臣  
紂自取之也夫貴爲天子富有天下及周師至而令不  
行乎左右悲夫當是之時索爲匹夫不可得也詩曰天  
謂殷適使不挾四方韓義同疑謂乃位之字誤挾與挾

通字

摯仲氏任自彼殷商來嫁于周曰嬪于京傳摯國任姓

仲中女也嬪婦京大也乃及王季維德之行傳王季大

王之子文王之父也

疏

傳文仲字各本皆作之唯宋本

外戚世家索隱引毛詩云華國任姓之中女也蓋此入  
字爲一句總釋經文華仲氏任也華國者周語晉語黃帝之子二  
之國由大任是摯爲國名也任姓者晉語黃帝之子二  
十五宗其得姓者十四人爲十二姓任其一也傳以中  
女釋仲氏燕燕仲氏任只傳仲戴嬀字然則仲爲大任  
字矣就未嫁言曰女以姓繫乎國則曰摯任猶春秋書  
陳嬀歸于宋師是也以姓配乎字則曰仲任猶春秋書  
伯姬歸于紀叔姬歸于紀是也以姓屬乎國與字則曰  
摯仲任猶春秋書紀季姜歸于京師是也婦人必言姓  
此百世昏姻不通之義也士昏禮祝告稱婦之姓曰某  
氏來婦又記問名曰某既受命將加諸卜敢請女爲誰  
氏某氏者稱婦之姓也誰氏者舉女之名也魯大記男  
子稱名女子稱字問名卽問字問其伯仲也○爾雅釋  
親云嬪婦也郭注引詩聿嬪于京堯典釐降二女于嬀  
汭嬪于虞後漢書荀爽傳引書釋之云嬪者婦也案婦  
者有姑之辭思齊篇思齊大任文王之母思嬀周姜京

室之婦彼傳云周姜大姜也京室王室也大姜爲大任之姑傳云嬪婦京大者卽本思齊經義也王季文王之父傳又云大王之子者其意周家王迹實始大王耳箋云及與也大任配王季而與之共行仁義之德同志意也

大任有身生此文王傳大任仲任也身重也維此文王

小心翼翼昭事上帝聿懷多福厥德不回以受方國傳

回違也

疏

上章言摯仲氏任故知大任卽仲任也身古

傳楚考李后

頌知重而入遂得爲嗣是重與身同義箋

重謂懷孕也

文王傳云翼翼恭敬也繁露郊祭篇引

詩允懷多福

聿與允皆語詞時邁傳云懷來也後漢書

李賢注蔡邕傳

文選呂向注晉紀總論引詩竝訓懷爲

來回讀與違同

不違不違德也昭二十六年左傳引詩

厥德不回以受方

國釋之云君無違德方國將至左以

違釋回傳所本也

早鹿常武箋竝同

天監枉下有命既集傳集就也文王初載天作之合枉

洽之陽枉渭之浹傳載識合配也洽水也渭水也浹厓

也疏節南山傳云監視也集就下也字今補小旻是用

命既集言天視於下其命既有以徒就之證天監枉下有

明德傳徒就文王之德也與此意正同○載識疊韻立

訓魯語天子大采朝日與三公九卿祖識地德初載即

祖識傳依國語解詩是謂文王之治岐也此章言文王

天命既集即承上弟三章事上帝受方國以合下弟五

章總言文王取大姒之事弟六章云有命自天命此文

王于周于京續女維莘長子維行又覆述上文數章以

起天復命武王天下之事據按文義則文王之取大

姒斷不枉幼年矣解者泥信文王幼年生子之說遂以

初載為初有知識稽諸事理無有可通失經傳之旨矣

爾雅妃合也配與妃通合妃轉相為訓皇矣傳云妃嬀

也○洽桓八年穀梁傳注水經河水注引詩作邵說文

引詩亦作邵段注云魏世家築合陽字作合合者水名

毛詩本作合秦漢間乃製邵字今詩作洽者後人意加

水旁耳酈注水經河水篇云河水又逕郃陽城東城北有漢水南去二水各數里其水東逕其城內東入于河又於城南側中有漢水東南出城注于河城南又有漢水東流注于河水卽郃水也縣取名焉案洽水無攷酈善長卽以郃陽漢水當之郃陽漢屬左馮翊魏仍漢縣縣北縣南皆有漢水此謂郃陽縣名之地也詩言洽陽非卽郃陽縣故地蓋水以北爲陽洽陽洽水之北是商莘國在洽水北不在洽水南漢高帝爲劉仲築城於郃陽縣之東北爲郃陽侯漢初稱或不誤矣渭亦莘國之水名莘國雖東濱大河亦在渭水之北故下文云親迎于渭也涇厓葛

藟蒹葭傳同

文王嘉止大邦有子大邦有子倪天之妹傳嘉美也倪

磬也文定厥祥傳言大姒之有文德也祥善也親迎于

渭傳言賢聖之配也造舟爲梁不顯其光傳言受命之

室王基乃始於是也天子造舟諸侯維舟大夫方舟士

特舟造舟然後可以顯其光輝

**疏**

嘉美爾雅釋詁文嘉

大邦華國子女子也言文王擇此美配是大邦子也白  
虎通義嫁娶篇王者之娶必先選于大國之女禮儀備  
所見多詩云大邦有子倪天之妹文定厥祥親迎于渭  
明王者必娶大國也倪磬磬當作磬初學記中宮部引  
傳正作磬可證釋文引韓詩作磬天之妹云磬誓也磬  
亦當作磬文選顏延之宋郊祀歌巨地稱皇磬天作主  
磬天即用韓詩也倪磬雙聲訓倪爲磬與訓磬爲誓義  
本相因說文云倪誓諭也本韓以申毛耳君子偕老胡  
然而天也傳云尊之如天箋云尊之如天之有女弟○  
傳以文爲文德定止也祥善釋詁文止善盛德止善也  
謂大姒之賢箋謂文爲文王定祥爲納幣與白虎通義  
人君無父母自定娶者亦引此詩其說合當是三家詩  
義然亦可證親迎大姒在王季既歿文王躬迎大姒必至  
義亦然也渭水在華國之南郊故文王躬迎大姒必至  
于渭也傳云言賢聖之配也者以釋經親迎之義賢謂  
大姒聖爲文王親迎者重昏禮也正義云異義公羊說  
天子至庶人娶皆當親迎左氏說王者尊無體敵之義  
故不親迎鄭駁之云大姒之家在洽之陽在渭之涘文

王親迎于渭卽天子親迎明矣天子雖至尊其於后猶  
 夫婦也夫婦判合禮同一體所謂無敵豈施於此哉禮  
 記哀公問曰寡人願有言然冕而親迎不已重乎孔子  
 愀然作色而對曰合二姓之好以繼先聖之後以爲天  
 地宗廟社稷之主君何謂已重乎此言親迎繼先聖之  
 後爲天地宗廟主非天子則誰乎是鄭意以此爲天子  
 之法故引之以明天子當親迎也案異義所引公羊說  
 娶皆親迎此乃嚴顏舊說至何邵公作公羊注仍從左  
 氏說天子不親迎鄭駁是也白虎通義亦言天子當親  
 迎與鄭駁同左疏云文王之迎大妣身爲公子迎在般  
 世未可據此以爲天子禮不知文王取大妣已任卽位  
 之年詩以文王所行事定爲周制故下傳云天子造舟  
 造舟爲天子制則親迎當爲天子禮毛傳亦與鄭駁同  
 蓋開雖淑女思齊寡妻皆謂大妣之配文王周家王業  
 實始基此夫婦造端敢不兢兢迨春秋時王變禮桓八  
 年祭公來遂逆王后于紀逆天下之母若逆婢妾于是  
 夫婦之道缺而妃匹之愛輕矣故天子親迎宜以文王  
 爲後世法所以敬慎重正昏禮也○云言受命之宜王  
 基乃始于是也者開雖序正始之道王化之基樂得淑  
 女以配君子此其義也天子造舟以下皆爾雅釋水文

宣十二年公羊注及說文方部引古禮說合今本爾雅  
多庶人蔡附句疑衍文也天子造舟者方言舳舻謂之  
浮梁文選潘岳閒居賦注引方言作造舟說文造古文  
作舳爾雅郭注云比船爲橋李注云比其舟而渡曰造  
舟孫注云造舟比舟爲梁也說文橋水梁也梁水橋也  
周語引夏令曰十月成梁孟子十一月與梁成皆卽今  
之水橋天子造舟爲梁者謂以比次其舟如水橋制也  
諸侯維舟者李注云中央左右相維持曰維舟孫注云  
維舟連四舟也郭注同大夫方舟者李注云併兩船曰  
方舟郭注同說文方併船也象兩舟省總頭形或作舫  
航方舟也从方亢聲方言方舟謂之橫郭注楊州人呼  
渡津舫爲橫荊州人呼杭案杭卽航橫集韻十二庚又  
作舳竝與方同部皆謂兩船相併也齊語方舟設附章  
注云方併也漢廣傳及邨谷風箋皆云方附也渾言之  
則方亦可稱附也土特舟者李注云一舟曰特舟不顯  
顯也光輝也文王當殷時造舟迎大妣以顯禮之光  
輝後世遂爲周天子乘舟之法度至  
春秋秦用造舟乃周禮之末失也

有命自天命此文王于周于京纘女維莘長子維行傳



續繼也華大姒國也長子長女也能行大任之德焉篤

生武王保右命爾變伐大商傳篤厚右助變和也疏大京

也于周于京於周爲大也上于訓於下于訓爲不同義  
白虎通義號篇三正篇引詩釋之云此言文王改號爲  
周易邑爲京也續繼七月同思齊大姒嗣徽音繼卽嗣  
也女在父母家之稱維猶有也續女維華言能繼行大  
任之德者其女有華也傳云華大姒國者說文無華字  
潛夫論志氏姓篇云禹爲姒姓其後分封用國爲姓故  
有辛氏蓋其字作辛或從古也水經注河水逕郃陽城  
東周威烈王之十七年魏文侯伐秦至郃還築汾陰郃  
陽卽此城也故有華邑矣爲大姒之國方輿紀要云古  
華城在郃陽縣南二十里疑縣南當作縣北云長子長  
女也者大姒爲華國之長女也古者適室所生之子嫁  
爲諸侯夫人若周武王元女配陳胡公滿是也大姒華  
國之長女故曰長子尊貴之稱也行當讀如維德之行  
之行○先儒論文王娶大姒生武王年代莫攷大抵依  
大戴記稱文王十三生伯邑考十五生武王爲說禮記  
文王世子篇稱文王九十七乃終武王九十三而終然

以此數推之文王十五生武王當武王卽位已有八十  
二歲武王卽位十有三年方始克殷管子小問篇云武  
王伐殷克之七年而崩漢書律曆志亦云克殷後七歲  
而崩唯逸周書明堂篇作六年則知武王九十三之說  
既不足信卽文王十五而生之說亦無足據益小大戴  
記閒載禘祫說耳近儒舉尚書逸周書語爲說確有根據  
尚書無逸篇周公告成王曰文王受命唯中身厥享國  
五十年此文王享國之年數也又逸周書度邑篇武王  
克殷告叔旦曰唯天不享于殷發之末生至于今六十  
年此武王克殷之年數也武王克殷年近六十其在位  
已十有三年此外四十七年皆在文王享國數內武王  
之生應在文王卽位之三四年中然則文王之取大姒  
在文王卽位後書有明文或可據此數而推知也奭竊  
謂古者天子諸侯皆有不再娶之文然又有卽位取元  
妃之禮文二年冬左傳云襄仲如齊納幣禮也凡君卽  
位好舅甥脩昏姻取元妃以奉粢盛孝也孝禮之始也  
是禮也周公之禮亦文王之禮也此篇言大姒之來歸  
周京已在天命文王之既集玩詩辭正與尚書受命中  
身語合韓奕篇美韓侯之入覲宣王也亦云韓侯迎止  
于蹶之里此亦行卽位覲迎之禮與春秋古左氏說合

明鄭忠肅意大姒爲文王繼妃以解經續女維莘句但續訓繼謂繼行大任之德不讀爲繼室之繼唯以文王卽位後取大姒準諸事理似乎有據姑記之於此○篤厚椒駟公劉同長發傳左右助也左與右皆訓助故右爲助也右通作祐易繫辭傳云子曰祐者助也天之所助者順也人之所助者信也履信思乎順又以尚賢也是以自天祐之吉无不利也與詩義同爾猶之也保右命爾猶假樂篇言保右命之耳變和釋詁文說文變和也讀若溼和伐大商言天人會合伐殷也常棣傳九族會曰和是和有會義說見酌篇

殷商之旅其會如林矢于牧野維予侯興(傳)旅眾也如

林言眾而不爲用也矢陳興起也言天下之望周也上

帝臨女無貳爾心(傳)言無敢懷貳心也(疏)旅眾北山同正義云木聚

謂之林如林言其眾多而不爲紂用武成曰甲子昧爽受率其旅若林此爲尚書武成篇文卽襲用詩辭也毛讀會如字說文引詩作其楡如林本三家矢陳爾雅釋詁文皇矣卷阿同矢讀爲尸祈父傳尸陳也古尸矢聲

通牧商郊地名說文塢朝歌南七十里地周書曰武王與紂戰于塢野塢與牧通興起舞言文起讀如以起軍旅之起維予侯興維爲也予我我周也侯猶乃也侯興與如林對文言殷商之眾不爲殷用爲我周乃起作也故傳又申明其義云言天下之望周也箋以爲起爲天子主肅以爲我興起而滅殷俱非傳指○女女殷眾也貳讀爲二貳從式聲式古文二是貳二聲通也繁露天道無二篇引詩作二襄二十四年左傳詩云上帝臨女無貳爾心有令名也夫恕思以明德則令名載而行之是以遠至邇安遠至邇安是無敢懷二心之義此傳所本也

牧野洋洋檀車煌煌駟駟彭彭傳洋洋廣也煌煌明也

駟馬白腹曰駟言上周下殷也維師尚父時維鷹揚涼

彼武王傳師大師也尚父可尚可父鷹揚如鷹之飛揚

也涼佐也肆伐大商會朝清明傳肆疾也會甲也不崇

朝而天下清明

**疏**

洋洋野之廣故云廣也水經清水注

暨清水土地平衍據皋跨澤悉堪野矣詩所謂堪野南

洋檀車煌煌者也說文煌煌輝也廣雅煌煌光也竝與

傳明訓同韓詩外傳三引詩作皇皇駟當作四字之誤

千旄正義引異義古毛詩說云四驥彭彭武王所乘其

字正作四又公羊隱元年疏及淮南主術注竝引詩作

四皆其證四驥彭彭猶四驥濟濟四驥翼翼耳出車傳

云彭彭四馬兒爾雅釋畜驪馬白腹驪傳所本也郭注

驪赤色黑鬣驪傳及小戎箋竝云赤身黑鬣曰驪鄭注

檀弓亦云驪驪馬白腹高注淮南云黃馬白腹曰驪案

月令有赤驪黃驪故驪馬亦為黃馬說文縹帛赤黃色

驪與縹聲義皆相近云言上周下殷也者驪馬即赤馬

驪馬白腹赤在上白在下故傳謂是上周下殷之義唯

驪馬之色然也檀弓周人尚赤戎事乘驪正義謂此武

王所乘遂為一代常法○傳云師大師節南山傳師大

師周之三公也則師為官名矣云尚父可尚父箋尚

父呂望也尊稱焉正義引劉向別錄云師之尚之父之

故曰師尚父此尚父尊稱竝與傳同史記譙周注云姓

姜名牙說文捥篇文作捥今俗作鷹箋云鷹鷂鳥也揚

讀如環人揚軍旅之揚鄭注環人亦卽引此詩傳以飛  
揚釋揚者說文揚飛舉也言尚父行軍如鷹之迅疾也  
常武篇王旅嘽嘽如飛如翰傳疾如飛擊如翰義與此  
同涼讀爲亮假借字也漢書王莽傳引詩正作亮韓詩  
作亮云亮相也爾雅云亮右也又云左右亮也傳以涼  
釋佐古祇作左六書故涼亮下皆引傳作左左猶左右  
也涼彼武王與長發實左右商王句同○肆讀爲絺說  
文絺希屬引虞書曰絺類于上帝希脩豪獸讀若弟是  
絺爲脩豪獸之屬引申之則有力疾兩義爾雅肆力也  
毛傳肆疾也皆卽絺之假借字說文引書作絺今堯典  
作肆史記五帝紀封禪書漢書王莽傳皆作肆夏小正  
傳肆遂也遂與疾亦相近疾者當讀疾如飛之疾傳訓  
卽從時維鷹揚句生義皇矣傳同小箋云會古外切甲  
與會雙聲几器之蓋曰會日之首曰甲二者演之爲居  
首之稱貨殖傳蓋一州漢書作甲一州詩之甲朝一謂  
甲子日一謂弟一日天下清明也定本作會甲兵坐不  
知由音以推義耳案段說會甲雙聲通義是也甲朝一  
謂甲子日一謂弟一日似尚非傳中甲字之義甲朝猶  
形弓云一朝耳甲者十之首一者數之始傳恐人不曉  
甲朝之義故又申釋之云不崇朝而天下清明崇終也

不終朝一朝也。燬煉采綠傳皆云自旦及食時爲終朝。終朝朝之終甲朝朝之始不終朝卽是甲朝。說文日部。昂晨也从日在甲上。

### 縣九章章六句

縣文王之興本由大王也。

疏

釋文一本無由字是也。詩美文王耳首章下三句至

七章皆敘大王初徙岐山爲文王之興之本。

縣縣瓜瓞民之初生自土沮漆。

傳

興也。縣縣不絕貌。瓜

紹也。瓞瓞也。民周民也。自用土居也。沮水漆水也。古公

亶父陶復陶穴未有家室。

傳

古公。豳公也。古言久也。亶

父字或殷以名言質也。古公處豳狄人侵之事之以皮幣不得免焉。事之以犬馬不得免焉。事之以珠玉不得

免焉乃屬其耆老而告之曰狄人之所欲者吾土地也  
吾聞之君子不以其所養人者害人二三子何患乎無  
君去之踰梁山邑于岐山之下幽人曰仁人之君不可  
失也從之如歸市陶其土而復之陶其壤而穴之室內

曰家未有寢廟亦未敢有家室

**疏**

瓜瓞縣縣然不絕以興周國自小而漸成

大哀十七年左傳縣縣生之瓜淮南子繆稱篇福之萌也縣縣竝與此縣縣同小箋本傳文增瓜瓞二字而以瓜紹也三字連讀空據以補正爾雅瓞瓞其紹瓞爾雅既釋瓞爲瓞而又云其紹者謂之瓞以申釋瓞之義毛傳順詩辭爲訓故先釋瓜瓞爲瓜紹而又云瓞謂之瓞亦以申釋瓞之義說文瓞瓞也瓞小瓜也瓞卽瓞字釋文及文選潘岳在懷縣作詩注引韓詩章句瓞小瓜也爾雅紹繼也箋瓜之本實繼先歲之瓜必小狀似瓞故謂之瓞鄭解瓜紹紹字最得經傳取興之義陸佃稗雅云今驗近本之瓜常小末則復大此農師從鄭說而更



得之目驗也傳釋民爲周民者以沮漆二水在周也自  
訓用土者所以居也因之土有居義漢書地理志引詩  
作杜水名與毛異蓋周之興莫大於文王之治岐而實  
本於大王之徙岐故章首先敘岐周水土民居下文因  
詳及大王辟狄去幽徙岐之事○傳釋沮漆爲水三章  
傳云周原沮漆之間也又潛傳云漆沮岐周之二水也  
是沮漆在周不在幽矣汪龍詩異義述師丁杰曰水經  
鄭渠在大上皇陵東南濁水入焉俗謂之漆水又謂之  
漆沮其水東流注於洛水說文漆水一曰入洛此涇東  
之漆也漢書地理志北地郡直路縣沮水出縣東面入  
洛水經沮水出北地直路縣東過馮翊郡北東入  
於洛說文瀘水出北地直路縣東入洛此涇東之沮也  
山海經瀘次之山漆水出焉地理志右扶風漆縣漆水  
在縣西莽曰漆治水經漆水出杜陽縣餘山東北入於  
渭說文漆水出右扶風杜陽岐山東入渭此涇面之漆注涇以  
志漆水出漆縣西北岐山東入渭此涇面之漆注涇以  
入渭者也十三州地理志有水出杜陽縣岐山北漆溪  
謂之漆渠而南流注岐水水經注杜水出杜陽山東南  
流合漆水水出杜陽之漆溪謂之漆渠南流合岐水至此  
美陽縣注於雍水隋書地理志扶風晉潤縣有漆水此

涇面之漆合杜岐雍以入渭者也涇面之沮書傳未聞  
龍按傳以周原爲沮漆之間是指晉潤漆水箋誤解經  
及傳謂公劉失職遷於豳居沮漆之地則指漆縣漆水  
疏牽合爲一引漆縣漆水而謂沮漆在豳地但二水東  
流亦過周地其誤已甚至引書傳謂漆沮一名洛水則  
更移之涇東尤爲疎繆又按漢書地理志右扶風杜陽  
杜水東入渭莽曰通杜師古曰縣詩自土沮漆齊詩作  
自杜言公劉避狄而來居杜與漆沮之地其經文作自  
杜雖與毛異然與杜並言益可見此經是晉潤之漆蓋  
晉潤漆水合杜岐雍入渭故齊詩作自杜說詩者以爲  
公劉誤同鄭箋○周自公劉居豳故狼跋傳公劉爲豳  
公此豳父未遷岐以前亦爲豳公豳公謂之古公者祭  
義社稷先古注先古先祖也故傳申之云古言久也不  
從追王稱大王者從其朔也父亦作甫正義引鄭注中  
侯稷起云豳甫以字爲號白虎通義及趙注孟子豳甫  
爲名禮記大傳追王大王豳甫王季歷文王昌並與傳  
或說同也古公辟狄自豳徙岐孟子梁惠王莊子讓王  
呂覽審爲淮南子道應詮言泰族說苑至公及書大傳  
略說皆紀其事傳引之者合下數章統釋古公始末而  
爲言也復說文引詩作覆玉篇同段注云土謂堅者堅

則不患螭壓故旁穿之使上有覆蓋陶其土旁穿之也  
壤謂柔者柔則恐螭故正鑿之陶其壤正鑿之也毛傳  
讀陶爲掏案淮南子汜論篇古者民澤處復穴高注云  
復穴重窟毛析言之高則渾言之也爾雅其內謂之家  
傳云室內卽其內也古公之作寢廟在五章以後此但  
述初遷之始經言未有家室傳卽揆五章義以申明之  
云未有寢廟則亦未敢有家室也箋正  
義泥二章始及徙岐而誤就處幽說

古公亶父來朝走馬率西水滸至于岐下傳率循也滸

水厓也爰及姜女聿來胥宇傳姜女大姜也胥相宇居

也疏

走馬玉篇引詩作趣馬言早且疾趙注孟子云遠

避狄難去惡疾也詩小學云早釋來朝疾釋趣字  
說文趣疾也玉篇作趣馬據漢人相傳古本也率循北  
山訪落同水經漆水注引詩而作先先假偕字古而先  
聲通也許水厓葛藟同程大昌雍錄謂此水厓卽渭水  
之厓是也蓋從幽至岐中隔梁山詩不言山略也古公  
當日去幽踰梁由旱路來故云來朝趣馬踰梁入渭循  
渭達岐故云率西水滸至于岐下岐在幽而也梁山在

今武功縣北岐山在今扶風縣而武功扶風皆南臨於渭故但沿厓面上不必向渡中流耳公劉云于豳斯館涉渭爲亂此豳國渡渭之證也皇矣云居岐之陽在渭之將將亦厓也此岐陽濱渭之證也史記周本紀云遂去豳渡漆沮隴梁山止于岐下是誤合詩之沮漆而水爲一而箋乃沿其說○爰於及與聿遂也姜女姜姓之女大王之妃故稱大姜也胥相釋詁文公劉同宇居桑柔閼宮同胥宇猶云相宅也宅亦居也新序彙事篇引詩作相宇

周原膺膺堇荼如飴爰始爰謀爰契我龜傳周原沮漆之間也膺膺美也堇菜也荼苦菜也契開也曰止曰時

築室于茲

疏

鄭注水經渭水篇漆渠水南流與杜水合逕岐山而又屈逕周城南城在岐山之陽

而近西所謂居岐之陽也又歷周原下北則中水鄉成周聚故曰有周也水北卽岐山矣案善長言岐周山水脈絡分明周本雍州邑名地理志右扶風美陽禹貢岐山在西北中水鄉周大王所邑攷元和郡縣志鳳翔府

扶風縣本漢美陽縣地卽今之陝西扶風縣也岐山在美陽西北大王邑在岐山南美陽之中水鄉也是謂之周城中水鄉在周原北則周原又在周城中水鄉之南郡國志右扶風美陽有岐山有周城引皇甫謐帝王世紀云周大王所徙南有周原王禕周公廟記云周城今爲岐陽鎮遺址猶存廣袤七八里四圍皆深溝南有周原是周原在周城南矣漆水在岐面而沮水無聞水經注英水出好時縣梁山嶺東南逕梁山宮面又南逕美陽縣之中亭川注雍水謂之中亭水又南逕美陽縣而其水又南流注于渭竊謂古沮水必在斯處矣沮東漆面故傳云周原在沮漆之間也臚臚韓詩作臚臚文選左思魏都賦臚臚野張載注云臚臚美也引詩周原臚臚李善注引韓詩同廣雅臚臚肥也美與肥義相近箋亦云周之原地在岐山之陽臚臚然肥美○莖當作莖通作莖說文莖艸也根如薺菜如細柳蒸食之甘爾雅莖苦莖郭注云今莖葵也葉似柳子如米泔食之滑是莖卽苦莖矣夏小正二月榮莖傳莖菜也豆實也公食大夫記鉶莖羊苦有滑鄭注苦莖茶也滑莖莖之屬內則有莖滑苦卽茶茶爲鉶羹之莖滑則川莖故詩莖茶連言菜卽莖也郝懿行爾雅義疏云余按生下溼者葉

厚而光細於桺葉高尺許莖紫色味苦淪之則甘是郝  
目驗莖菜本味亦苦也正義莖爲烏頭非茶苦菜邨谷  
風同采苓謂之苦彼正義引陸義疏云苦菜生山田及  
澤中得霜蛄胞而美所謂莖茶如飴邵晉涵爾雅正義  
云霜後之菜多轉爲蛄非其本質大雅言周原之美雖  
莖茶亦甘若飴爾非謂茶菜本作甘也以今驗之菜之  
爲苦稱斯名矣邵說是也內則云飴蜜以甘之○契讀  
爲挈漢書敘傳注引詩正作挈玉篇切部契開也契與  
挈同開龜周禮卜師掌其事定之方中傳云建國必卜  
之故建邦能命龜爰於也於於是也爾雅爰曰也曰亦  
爰語詞也時是也築室于茲言旣  
有此廣平之原則將築室於周也

迺慰迺止迺左迺右迺疆迺理迺宜迺畝自西徂東周

爰執事

傳慰安爰於也

疏

凡全詩作乃唯繇公劉作迺也

今篇內迺乃錯出不一律慰安下當有也字安定也止  
猶處也書大傳云大王亶甫遂策杖而去過梁山邑岐  
山國人東脩奔走而從之者三千乘一止而成三千戶  
之邑天作箋云大王居之一年成邑二年成都三年五

倍其初○公劉傳云宜徧也徧畝猶甫田之言竟畝也徧與且同義東畝東西為陌南畝東西為阡西東謂田閒道也爰於桑中同周爰執事言至周原於是執事也凡民之大事在農故先言之

乃召司空乃召司徒俾立室家其繩則直縮版以載傳

言不失繩直也桑謂之縮作廟翼翼傳君子將營宮室

宗廟為先廩庫為次居室為後疏乃唐石經作迺箋司空

掌營國邑司徒掌徒役之事正義云大王之時以殷之大國當立三卿其一蓋司馬平時不召者司馬於營國

之事無所掌故也○俾釋文作卑傳云言不失繩直也者釋其繩則直句李善注東京賦引毛詩傳於繩直下

較今本多之宐二字桑謂之縮釋經之縮字箋云繩者營其廣輪方制之正也桑聲之誤當為繩也鄭據爾雅

釋器文故知傳桑字為繩字之誤爾雅繩之謂之縮之此繩字與縮同義說文繩束也斯干傳約束也孫炎云

繩束築版謂之縮凡立室家以城三分之一為宮宗廟在路門內廩庫在前居室在後蓋其制也此經言大王

立室家而但云作廟故傳遂引禮記曲禮篇云君子將  
營宮室宗廟為先以釋經義而兼及廢庫居室者所以  
補經義之略而亦揆下章百堵  
皆興句為釋之爾翼翼恭敬也

棟之陬陬度之藪藪築之登登削屢馮馮傳棟藪也陬

陬眾也度居也藪藪言百姓之勸勉也登登用力也削

牆鍛屢之聲馮馮然百堵皆興磬鼓弗勝傳皆俱也磬

大鼓也長一丈二尺或磬或鼓言勸事樂功也疏棟為

藪者淮南子說山篇藪成城高注云藪土籠也始一藪

以上於城此與傳藪字之訓正合又脩務篇及孟子滕

文公篇字皆作藪劉熙孟子注云藪盛土籠也說文櫟

山行所櫟者引虞書四載山行櫟櫟史記河渠書作櫟

一作葦漢書溝洫志作楬竝字異而義同可以櫟人亦

可以盛土箋棟桴也築牆者桴取壤土盛之以藪而投

諸版中說文棟盛土於裡中也鄭許皆申毛訓小箋云

棟即葦之假借字陬陬當依玉篇引詩作陬陬廣雅仍



仍登登馮馮眾也毛詩陟陟三家詩作仍仍集韻仍音而關中語此而仍聲轉相通故陟與眾登馮興勝爲韻如耳孫卽仍孫之例也釋文如之反說文云築牆聲也音而陸所據正作陟而今本說文亦誤作陟陟度居皇矣同方言度居也東濟海岱之閒或曰度居有都聚之義釋文引韓詩度墳也箋度猶投也義竝相近傳文言百姓之勸勉也之上奪蕞蕞二字今依小箋補蕞讀爲蕞雜詁女乃是不蕞馬鄭王注皆訓蕞爲勉蕞莫崩反又武剛反莫崩讀如臺武剛則讀如范竝與勸勉義近登登義未聞傳云用力謂用力聲登登然也今俗謂用力得得如公羊傳登來之爲得來矣屢當作叟小箋云叟音樓空也鍛叟者槌打空窠坳突處馮馮堅實聲也○百堵詳鴻雁篇皆當作偕偕訓俱若本作皆人所易曉可不傳耳故鴻雁百堵皆作無傳七經孟子考文作偕此其證鑿大鼓鼓鐘同傳文長一丈二尺一字當衍鼓鐘釋文及鼓人注竝云長丈二尺周禮鼓人以鑿鼓鼓役事說文引作皋鼓考工記鞀人爲皋鼓長尋有四尺古咎皋聲同毛傳正本周禮也經言鑿鼓本是一鼓傳云或鑿或鼓者或有也語詞也或鑿鑿鼓也或鼓鼓之也弗勝說文作不勝勝任也不勝如不勝任目鼓以

作之正是勸事樂功以見興作之盛小箋云經文鼙鼓分大小義同鄭孔恐未是

廼立皋門皋門有伉廼立應門應門將將傳王之郭門

曰皋門伉高貌王之正門曰應門將將嚴正也美大王

作郭門以致皋門作正門以致應門焉廼立冢土戎醜

攸行傳冢大戎大醜眾也冢土大社也起大事動大眾

必先有事乎社而後出謂之宜美大王之社遂爲大社

也疏

皋門傳云王之郭門美大王之築城郭也說文章

今通作郭

管子度地篇云歸地之利內爲之城外爲之

郭是郭

在城之外也正義引襄十七年傳宋人稱皋門

之哲謂諸侯

自有皋門今左傳作澤門杜注澤門卽孟子堙

城南門也

釋文席澤門作皋門爲誤疑澤門卽孟子堙

澤之門

澤古作罍罍皋相似而誤與詩皋門無涉皋門

爲臺門

故傳云伉高兒釋文引韓詩作閼盛兒玉篇閼

字下及張衡面京賦皆云高門有閤本韓詩說文無閤  
字詩小學云說文阨閤也閤門高也五經文字阨門高  
毛詩之仇古本作阨應門傳云王之正門本爾雅釋宮  
文美大王之築宮室也鄭注考工記書大傳並云應門  
朝門也應門內為治朝故應門為王宮正門明堂位九  
采之國應門之外北面東上是明堂位之制與王宮同也周禮  
門應門之內朝會諸侯明堂位之制與王宮同也周禮  
閤人鄭司農注云王有五門外曰皋門二曰雉門三曰  
庫門四曰應門五曰路門路門一曰皋門二曰雉門三曰  
案仲師治毛詩其云外曰皋門即毛傳之郭門自郭門  
以至路門共五門外自城郭內至路寢明堂而寢門以  
內從略矣解者誤以外為宮外則皋門為宮外門古制  
不明實權輿於此鄭康成禮記注不信舊說謂先庫後  
雉諸侯有庫雉無皋應箋詩又本書大傳謂諸侯亦有  
皋應天子加以庫雉鄭說既屬游移近儒戴東原言天  
子諸侯皆三門是已又謂天子有皋應無庫雉諸侯有  
庫雉無皋應其說亦誤今竊言之考工記匠人營國方  
九里旁三門呂覽季春紀國人籬九門磔攘高注云九  
門三方九門也嫌非王氣所在磔攘止三方九門四旁共十  
門以前三門為王氣所在磔攘止三方九門四旁共十

二門公羊注所謂天子周城也書大傳古者百里之國  
九里之城三里之宮七十里之國三里之城一里之宮  
五十里之國一里之城以城爲宮此謂公侯伯子男三  
等之城制也周禮典命上公九命國家宮室以九爲節  
侯伯七命國家宮室以七爲節子男五命國家宮室以  
五爲節鄭注云公之城蓋方九里宮方九百步侯伯之  
城蓋方七里宮方七百步子男之城蓋方五百步宮方  
百步以開方計之與書大傳同鄭康成大傳注疑天子  
城九里又或者天子實十二里諸侯大國九里次國七  
里又或者天子實十二里諸侯大國九里次國七里  
小國五里有此兩說但周制每從先王以爲後世法有  
如皋門應門冢土辟廡路寢親迎造舟一取九女此類  
甚多不必專以城同九里爲疑也一里之城以城爲宮  
其宮四面皆屬城三里之城其宮南面屬城三面不屬  
城九里之城其宮室四面有牆四面不屬城說文缺缺  
也古者城缺其南方謂之敝城缺南方公羊注所謂諸  
侯軒城也孟子三里之城七里之郭七里晉書段灼傳  
作五里此據七十里之國而言天子城與大國同九里  
其距郭較遠詩之皋門傳謂之郭門則皋門非宮門而  
謂皋門爲宮外門者誤也天子城門其上有臺謂之闕

四旁十二門共十二闔皋門爲外城門雉門當爲內城  
門考工記城隅之制九雉左傳云都城雉門過百雉築城以  
雉起度此或城門爲雉門之義歟則雉門亦非宮門天  
子諸侯宮門皆爲庫門最在外而謂先庫後雉者誤也  
懽弓下君復於小寢大寢小祖大祖庫門四郊又自寢  
門至於庫門又軍有憂則素服哭於庫門天子諸侯皆有庫門  
獻命庫門之內又繹之於庫門是天子諸侯皆有庫門  
而謂天子有皋無庫諸侯有庫無皋者誤也詩之應門  
傳謂之正門司儀出及中門之外中門之外即庫門之  
內也應門在庫路之中故謂之中門庫門之內出入不  
禁應門以內爲朝會之處皆必設禁闔人掌守王宮中  
門之禁是其事也中門以縣象魏象魏闕也故穀梁傳  
謂之闕門外朝之內內朝之外其門謂之路門內庭畢  
即路寢之庭爾雅路大也其門庭爲較大也亦謂之畢  
門畢之爲言盡也路門內有路寢明堂右社稷左宗廟  
說詳闕宮篇故路門又謂之廟門穀梁傳謂之祭門鄭  
仲師朝士注以爲路門外爲外朝內爲內朝當是師承  
古說而謂天子諸侯皆三朝庫門以內有朝者誤也然  
則天子郭門爲皋門城門爲雉門庫門爲宮之外門應  
門爲宮之中門路門爲宮之內門台城郭爲五門離之

則爲三門諸侯南面無城以宮垣爲城牆卽以宮之外  
門爲城南門非如徐彥所疑城牆不完之謂也天子有  
郭有郭門諸侯有郭亦有郭門春秋傳二十年春新作  
南門公羊以爲門有古常穀梁以爲有加其度蓋此南  
門爲魯郭南門也天子郭門有門臺魯於是始僭從天  
子制耳諸侯之宮亦三門庫門爲宮之大門雉門爲宮  
之中門路門爲宮之內門天子三門諸侯亦三門唯天  
子以雉門爲城門諸侯無城門以雉門爲宮之中門爲  
異而謂諸侯三門天子五門加以皋應或曰加以庫雉  
者誤也明堂位庫門天子皋門雉門天子應門此言其  
制之相似天子城之外門與宮之外門門上有臺謂之  
臺門魯之宮外門門上亦有臺如天子城外門之制而  
他國之宮外門無臺也故云庫門天子皋門也天子門  
皆有臺諸侯庫門無臺雉門路門有臺昭二十五年公  
羊注禮天子諸侯臺門天子外闕兩觀諸侯內闕一觀  
觀卽臺也此宮之中門有臺也郊特牲臺門而旅樹注  
旅道也屏謂之樹禮天子外屏諸侯內屏此宮之內門  
有臺也天子於應門設兩觀諸侯於雉門設一觀春秋  
定二年雉門及兩觀災新作雉門及兩觀是魯之中門  
設兩觀如天子中門之制而他國止設一觀也故云雉

門天子應門也解之者誤讀禮記經文以爲諸侯有庫  
雉天子有皋應則天子諸侯之門制莫攷卽魯與他國  
門制之同異亦無聞矣今姑略陳門制梗槩如此文選  
張衡東京賦立應門之將將李善注引毛詩傳將將嚴  
正之兒與今本不同當據以訂正黍苗箋肅肅嚴正之  
兒句正相同說苑權謀篇將將之臺亦謂將將爲尊嚴  
正肅也大王築城郭宮室作郭門正門不獨大王爲諸  
侯制卽文王亦非卽從天子制周有天下遂以郭門爲  
皋門正門爲應門故詩人直以周天子之制言之耳下  
豕土大社同○豕大戎大醜眾竝爾雅釋詁文逸周書  
作雒篇乃建大社于國中其壝東青土南赤土而白土  
北驪土中央黃以黃土將建諸侯鑿取其方一面之土  
煮以黃土苴以白茅以爲土封案此豕土爲大社之義  
也禮記祭法篇王爲羣姓立社曰大社王自爲立社曰  
王社王社在郊迎氣報祈之禮行焉大社在王宮路寢  
之西大會同大朝觀大軍旅之政行焉大社在王宮路寢  
社稷故社爲大社也古者用師告社故傳引爾雅釋天  
文爲證孫炎注云大事兵也有事祭也爾雅攷事也王  
制天子將出征宜乎社大王  
當日必有用師之事今無攷

肆不殄厥愠亦不隕厥問柞械拔矣行道兌矣傳肆故

今也愠恚隕墜也兌成蹊也混夷駮矣維其喙矣傳駮

突喙困也疏思齊傳肆故今也二傳訓同凡肆者皆承

故也肆故今也肆為故肆故又為今與伊維也伊維侯

也潛溪也潛溪測也皆其例毛傳雖本雅訓而意不同

雅謂肆一句故一句總為之今也傳謂詩之肆既為故

又為今立意自異故者承上古公也今者起下文王也

殄絕也孟子盡心篇引詩趙注云愠怒也正義引說文

云恚怒也是愠恚竝為怒肆不殄厥愠承上文戎醜攸

行而言大王赫怒整旅至文王而不絕其所怒也趙注

云隕失也隊失義同俗作墜問讀為令聞之聞古問聞

通用亦不隕厥問趙注云不能隕失文王之善聲聞也

與此同○柞械皆叢生薪木故皇矣言柞械拔而松柏

易直也拔讀為跋猶翦除也兩拔字同兌者遂之假借

字桑柔傳遂道也遂古隧字檀弓注云隧奪聲相近或

為兌此即兌遂聲通之證載馳韓詩傳云不由蹊遂而



涉曰跋涉韓以蹊遂為跋大玄羨次五孔道夷如蹊路  
 微如大與之憂測曰孔道之夷奚不道也竝與此傳云  
 成蹊之蹊同成蹊猶言成路皇矣二章作屏修平啓辟  
 懷剔卽此意也古駢突同部文選王延壽魯靈光殿賦  
 遭漢中微盜賊奔突張載注突唐突也詩云昆夷突矣  
 混與昆通毛詩作駢三家詩或作突此傳以突詰駢之  
 證喙廣韻二十廢引詩作療療與喙同說文咽下引詩  
 犬夷咽矣本三家詩字異而音義相同○案此與采薇  
 出車所歌為一時事采薇序云文王之時而有昆夷之  
 患出車篇云赫赫南仲薄伐而戎而戎卽昆夷也文王  
 伐昆夷奉天子得專征伐之命故與殷大臣共伐之書  
 大傳云四年伐犬夷犬夷亦卽混夷也是文王四年之  
 前尚未興師出討故孟子有事昆夷之說至受命為而  
 伯四年乃伐之箋云是之謂一年伐混夷正義以為七  
 年內之一  
 年是已

虞芮質厥成文王蹶厥生傳質成也成平也蹶動也虞

芮之君相與爭田久而不平乃相謂曰而伯仁人也盍

往質焉乃相與朝周入其竟則耕者讓畔行者讓路入其邑男女異路班白不提挈入其朝士讓爲大夫大夫讓爲卿二國之君感而相謂曰我等小人不可以履君子之庭乃相讓以其所爭田爲閒田而退天下聞之而歸者四十餘國予曰有疏附予曰有先後予曰有奔奏予曰有禦侮傳率下親上曰疏附相道前後曰先後喻

德宣譽曰奔奏武臣折衝曰禦侮疏

質訓成成讀春秋以成宋亂之成凡

四方有亂獄則往而成之是其義也成平節南山同虞芮質成史記周本紀說苑君道篇書大傳略說並有此文而詳略不同耳虞芮在河東周姬姓國商時虞芮無攷書大傳云文王受命一年斷虞芮之訟四年伐大夷五年伐耆六年伐崇又云西伯既伐耆紂囚之牖里散宜生闕天南宮适三子者相與學訟於大公大公與三

子見文王于羑里紂遣西伯伐崇案上章伐混夷在四年此章乃追敘虞芮斷訟及四臣來輔渾括文王與周受命七年中事騷動爾雅釋詁文版同箋云虞芮之質平而文王動其絲絲民初生之道謂廣其德而王業大○予我我文王也曰楚辭離騷注引詩作聿聿曰皆語詞疏附書大傳作胥附疏胥同釋文奔作本奏又作走書釋文正義作奔奏禦釋文作御昭二年左傳季武子賦絲之卒章杜注云取文王有四臣故能以絲絲致興盛書大傳云文王胥附奔奏先後禦侮謂之四鄰以免乎羑里之害懿子曰夫子亦有四鄰乎孔子曰文王得四臣丘亦得四友焉自吾得回也門人加親是非胥附邪自吾得賜也遠方之士日至是非奔奏邪自吾得師也前有光後有輝是非先後邪自吾得由也惡言不至于門是非禦侮邪文王有四臣以免虎口丘亦有四友以禦侮案詩言疏附先後奔奏禦侮卽此文王四臣是矣據書大傳四臣散宜生也閼大也南宮适也及大公呂尚也與君奭言文王修和有夏號叔閼大散宜生泰顛南宮适約舉五人者不同解者皆失之

### 棧樸五章章四句

械樸文王能官人也

疏後箋云大戴禮逸周書皆有文王官人篇荀子亦云文王以官

人為能並與

此序語合

芄芄械樸薪之槲之傳興也芄芄木盛貌械白桺也樸

枹木也槲積也山木茂盛萬民得而薪之賢人眾多國

家得用蕃興濟濟辟王左右趣之傳趣趨也

疏傳云芄

兒正義作盛兒無木字釋文作盛也乃兒之誤初學

記帝王部引木盛也亦誤械白桺爾雅釋木文郭注云

桺小木叢生有刺實如耳璫紫赤可啖縣柞械拔矣箋

械白桺也正義引義疏云三蒼說械即柞也可以為續

車軸與高注淮南時則篇櫟可以為車轂合此秦人謂

柞為櫟謂械即柞者恐非是也薛綜西京賦注云械白

斲斲與桺通爾雅樸枹者郭注云樸屬叢生者為枹詩

所謂械樸枹櫟舍人及李孫本爾雅作樸枹者彙傳云

枹木亦謂叢生者也爾雅枹道木魁瘰注云謂樹木叢

生根枝節日盤結磈磊械樸二木名箋謂白桺相樸屬

而生恐非是。○鄭注：大宗伯云「樛積也」。本傳訓也。說文：「樛，積火燎之也。从木从火，酉聲。」詩曰：「薪之樛之。」周禮以「樛燎祠司中司命」，或作「禋」。柴祭天神也。案「積火」當依段注：「本作「積木」，兩「燎」字當作「祭」。祭，祭柴祭天神也。」引申之，凡炊竈之薪，柴字皆當作「祭」。傳但云「積薪說」，文言「積木以祭之」者，卽引此詩正以申補傳義也。又兼引周禮之「樛燎爲柴祭天神」箋云「祭皇天上帝及三辰，則聚積以燎之」。此用三家詩「繫露郊祀篇」引此首章二章四祭篇引此二章皆謂文王郊祭之詩爲許鄭所本而非毛氏傳義也。傳以「山木茂盛，薪積待用」興賢人之衆多，國家蕃興，丁斯可驗。棫樸之作人，猶菁莪之育材，爾詩異義云。首章見眾賢之集於朝，輔助政教，次章述祀事之得人，三章述戎事之得人，國之大事，任祀與戎舉此二者以明賢才之用。四章言文王作人之化，紂之汚俗咸與維新，末章言文王聖德綱紀四方，無不治理。又總善政教之美，官人之效經之設文，蓋有次第矣。○文王傳：「濟濟多威，儀也。」薛王謂文王也。新書連語篇似鍊絲染之，藍則青，染之緇則黑，得善佐則存，不得善佐則亡。此其不可不憂者耳。詩云：「芄芄棫樸薪之樛之，濟濟辟王。」左右趨之，此言左右日以善擲也。故臣竊以爲練左右急也。容經

篇諺曰君子重襲小人無由入正人十倍邪辟無由來  
古之人其謹於所近乎詩曰芄芄域樸薪之槁之濟濟  
辟王左右趨之此言左右日以善趨也晏子問下篇亦  
引此詩釋之云此言古者聖王明君之使以善也案與  
序能官人正合其字皆作趨傳以趨詰趣正用古訓卷  
耳傳云思君子官賢人置周之列位左右趨善卽是卷  
耳周行之義

濟濟辟王左右奉璋傳半圭曰璋奉璋峨峨髦士攸宜

傳峨峨盛壯也髦俊也疏半圭曰璋斯干同斯干傳又

也祭祀之禮王裸以圭瓚諸臣助之亞裸以璋瓚禮記  
祭統君執圭瓚裸尸大宗執璋瓚亞裸注圭瓚璋瓚裸  
器也以圭璋爲柄考工記玉人大璋中璋邊璋注三璋  
之勺形如圭瓚早鹿傳玉瓚圭瓚也蓋裸祭有勺所以  
流秬鬯之酒勺以玉瓚爲柄君用圭瓚臣用璋瓚郊特  
牲云灌以圭璋用玉氣也是也詩異義云臣之執璋行  
禮唯贊裸時其他無執璋者傳云半圭曰璋璋瓚之璋  
亦半圭也傳特略不及瓚耳箋言諸臣亞裸以璋瓚義

實申傳案何注定八年公羊傳言璋者所以郊事天即引此詩本繁露四祭篇此三家說○峨峨釋文本作俄俄公羊釋文又作娥娥箋奉璋之儀峨峨然儀峨古聲同如屋屨即嗟峨之例爾雅峨峨祭也爾雅釋經義故但云祭傳云盛壯壯古莊字盛莊者即所謂齊明盛服以承祭祀公羊疏云奉此半珪之璋其儀容峨峨盛莊疑徐彥所據傳正作盛莊髦俊甫田思齊同文王殷士膚敏裸將于京傳以殷士為殷侯此箋謂俊士為卿士蓋助文王裸祭者諸侯卿士也

淠彼淠舟烝徒楫之傳淠舟行貌楫櫂也周王于邁六

師及之傳天子六軍疏楚辭九歌沛吾桑兮桂舟王注

述同音習活切釋文淠匹世反今吳俗尚有此語玉篇淠水聲也傳詰楫為櫂擢當作擢箋云烝眾也淠淠然與眾臣之賢者行君政令○天子六軍瞻彼洛矣同繁露引詩以此為文王伐崇也後箋云小大雅所有文王之詩自皆是周公制作禮樂時所為四牡傳云周公作

樂以歌文王之道為後世法此言已足為諸文王詩之總義故大明及此傳直云天子造舟天子六軍皆以追述之詞不嫌稱文王為天子疏所云詩為大雅莫非王法者誠通論也

倬彼雲漢為章于天傳倬大也雲漢天河也周王壽考

遐不作人傳遐遠也遠不作人也疏說文倬箸大也詩曰倬彼雲漢傳云

大許云箸大益義以申傳也雲漢天河大東傳亦云漢天河也箋云雲漢之在天其為文章譬猶天子為法度於天下○遐遠汝墳下武向小箋云此當云遠作人也  
不衍字案此乃不警警也不盈盈也之例遐不作人遠作人也不遠有佐遠夷來佐也句法相同旱鹿篇同

追琢其章金玉其相傳追雕也金曰雕玉曰琢相質也

勉勉我王綱紀四方疏追琢有客作敦琢追敦皆假借字荀子引此詩作雕琢故傳以

雕釋追也爾雅玉謂之雕金謂之鏤玉謂之琢雕謂之琢鏤鏤也是刻金不為雕而雕琢皆為治玉之稱此詩



雕琢金玉文正相對故傳謂雕治金琢治玉正義云敬  
文相通是矣柔柔維此惠君民人所瞻秉心宣猶考慎  
其相傳相質也二傳義同案此詩美文王能官人非專  
美文王有聖德相質也章猶明也上句言章下句言相  
上句言雕琢下句言金玉合二句成辭以見興也金玉  
以雕琢而明其質四方以綱紀而端其本其理一而已  
矣荀子富國篇云人君者所以管分之樞要也故美之  
者是美天下之本也安之者是安天下之本也貴之者  
是貴天下之本也古者先分割而等異之也故使或美  
或惡或厚或薄或佚或樂或劬或勞非特以爲淫泰夸  
麗之聲將以明仁之文通仁之順也故爲之鐘琢刻鏤  
黼黻文章使足以辨貴賤而已不求其觀爲之鐘鼓管  
磬琴瑟竿笙使足以辨吉凶合歡定和而已不求其餘  
爲之宮室臺榭使足以避燥溼養德辨輕重而已不求  
其外詩曰雕琢其章金玉其相璽齊我玉綱紀四方此  
之謂也荀言本毛言質義正相同說苑修文篇云故聖  
人之與聖也如矩之三稜規之三稜周則又始窮則反  
本也詩曰彫琢其章金玉其相言文質美也此引詩證  
教民以文質相爲終始皆不指聖德言也王肅云以興  
文王聖德其文如雕琢其質如金玉殊失古義○勉勉

疑當作臺臺文王篇臺臺文王傳臺臺勉也嵩高臺臺  
申伯箋臺臺勉也是毛詩皆作臺臺後人或依訓釋改  
作勉勉耳韓詩外傳五引此詩作臺臺文王白虎通義  
三綱六紀篇作臺臺我王與荀子同綱紀主官人說

### 旱麓六章章四句

旱麓受祖也周之先祖世脩后稷公劉之業大王王季

申以百福千祿焉

疏受祖之上疑有文王二字

瞻彼旱麓榛楛濟濟

傳旱山名也麓山足也濟濟眾多

也豈弟君子千祿豈弟

傳千求也言陰陽和山藪殖故

君子得以千祿樂易

疏麓國語作鹿釋文本亦作鹿是也旱山名鹿山足旱鹿旱山之

足也漢書地理志漢中郡南鄭旱山池水所出東北入漢劉昭郡國志注引華陽國志鄭道元沔水注竝謂池水出旱山又水經沔水及涔水篇云涔水出旱山案此二水皆出自旱山也今陝西漢中府附郭南鄭縣在古

禹貢梁州之域殷周并梁入雍則旱山在江漢域內詩以旱山發詠是在文王爲西伯時矣榛木名見簡兮傳書禹貢荊州貢栲釋文引義疏云栲葉如荊而赤莖似著詩釋文載義疏莖葉二字互譌云濟濟衆多也者言視彼旱山之足榛栲之木衆多濟濟然下文傳所謂陰陽和山藪殖也○君子謂文王也干求爾雅釋言文樂易詁豈弟或作愷悌說文愷樂也無悌字周語單穆公云詩亦有之曰瞻彼旱鹿榛栲濟濟愷悌君子干祿愷悌夫旱鹿之榛栲殖故君子得以易樂干祿焉若夫山林匱竭林麓散亡藪澤肆旣民力彫盡田疇荒蕪資用乏匱君子將險哀之不暇而何易樂之有焉案君子有易樂之德求福而福自至榛栲之殖此其驗也毛傳正語用國

瑟彼玉瓚黃流在中傳玉瓚圭瓚也黃金所以飾流鬯

也九命然後錫以秬鬯圭瓚豈弟君子福祿攸降疏瑟

司農周禮典瑞注引詩作邶又作邶邶卽邶之誤仲師治毛詩其所據作邶箋云瑟絜鮮兒說文作瑟云玉英

華相帶如瑟弦也本三家詩今作瑟者疑依箋改也毛  
詩作邶邶者流鬯之兒泌之洋洋傳泌泉水也泌彼泉  
水傳泉水始出泌然流也邶與泌並聲同而義近玉  
瓚江漢云圭瓚故傳以圭瓚釋玉瓚也釋文云黃金所  
以流鬯也御覽珍寶六引同釋文又云一本作黃金所  
以爲飾流鬯也後人所加正義從定本及集注云俗本  
無飾字者誤小箋從正義本而以黃金所以飾爲句與  
謂當作黃金所以爲飾釋文一本有爲字是也象服所  
以爲飾象掃所以爲飾皆其句例典瑞裸圭有瓚鄭司  
農注云於圭頭爲器可以挹鬯裸祭謂之瓚玉人裸圭  
尺有二寸有瓚大璋中璋九寸灋璋七寸射四寸厚寸  
黃金勺青金外朱中鼻寸衡四寸有纁鄭司農注云鼻  
謂勺龍頭鼻也衡謂勺柄龍頭也案璋瓚圭瓚其形相  
似瓚柄用圭謂之圭瓚圭頭有勺勺以黃金爲飾卽所  
以注酒黃卽勺流卽酒故傳云流鬯也鬯秬鬯黃流在  
中言秬鬯之酒自勺中流出也江漢傳云九命錫圭瓚  
秬鬯二傳同九命者文王九命作而伯也白虎通義考  
黜篇圭瓚秬鬯宗廟之盛禮故孝道備而賜之秬鬯所  
以極著孝道純備故內和外榮玉以象德金以配  
情芬香條鬯以通神靈玉飾其本君子之性金飾其中

君子之道君子有黃中通理之道美素德金者精和之至也王者德美之至也鬯者芬香之至也君子有玉瓚極鬯者以配道德也其至矣合天下之極美以通其志也其唯玉瓚極鬯乎

鳶飛戾天魚躍于淵傳言上下察也豈弟君子遐不作

人疏傳云言上下察也者引禮記中庸釋詩之文禮記述聞云中庸引詩以明君子之道之大上至於天

下至於地也故下文曰君子之道造端乎夫婦及其至也察乎天地管子內業篇上察於天下極於地淮南子原道篇高不可際高誘注曰際至也際與察古同聲案鳶天魚淵極乎天地此言文王之道之所至文王傳文王升接天下接人亦此意也潛夫論德化篇詩云鳶飛厲天魚躍于淵君子修其樂易之德上及飛鳥下及淵魚無不歡忻悅豫文選四子講德論注引薛君云魚喜樂則踴躍於淵中三家傳以鳶飛魚躍為道之效與毛義異鳶當作鴈詳四月篇○棫樸傳遐遠也遠作人也

不為語助成八年左傳引詩曰愷悌君子遐不作人求善也夫作人斯有功績矣杜注云遐遠也作用也言文王能遠用善人不語助杜注正本毛傳今棫樸傳於遠

下誤加不字矣潛夫論作胡不作人胡何也此三家義

清酒既載駢牡既備傳言年豐富碩也以享以祀以介

景福傳言祀所以得福也疏文選面征賦注引韓詩章句云載設也載卽飫之假

俗廣雅釋言飫設也說文尹部飫設會也从尹倉才聲讀若載傳云言年豐富碩也者正義云言酒見其年豐

言牲見其畜碩恒六年左傳聖王先成民而後致力於神故奉牲以告曰博碩肥腍謂其畜之碩大蕃滋也奉

酒醴以告曰嘉栗旨酒謂其三時不害而民和年豐也此傳取彼意也白虎通義三正篇釋詩云言文王之牲

用駢周尚赤也此是魯詩義解經駢牡二字蓋毛義亦指文王也○享孝也介景皆大也文王當年豐富碩以

孝祀其先祖能得大大之福故傳云言祀所以得福也案此及下章言享祀獲福而神勞來之卽是序云受祖

之義上三章皆述文王求福之隆末章述文王求福由於有小心之德但言求福而福自隆盛受祖之義唯著

於四五兩章而已

瑟彼柞械民所燎矣傳瑟眾貌豈弟君子神所勞矣疏

瑟訓眾兒未聞柞械之眾即首章榛桔濟濟之義也釋文燎說文作寮云紫祭天也又云燎放火也依陸則詩本有作寮者矣凡燒薪木其字皆可作寮白華傳烘祭也則祭亦烘也月令季冬乃命四監收秩薪柴以共郊廟及百祀之薪燎燎亦當作寮○神先祖之神也文王能祀先祖而神勞之傳十二年左傳君子曰管氏之世祀也宜哉讓不忌其上詩曰愷弟君子神所勞矣杜注云言樂易君子為神所勞來故世祀也此引詩以證世祀之宜傳意當然也

莫莫葛藟施于條枚傳莫莫施貌豈弟君子求福不回

疏廣雅莫莫茂也此云施兒緣下句以立訓施于條枚韓詩外傳二呂覽知分篇注後漢書黃瓊傳注引新序竝作延于條枚箋用韓詩作延葛覃傳施移也延移義相近高誘注呂覽云莫莫葛藟之貌延蔓于條枚之上得其性也樂易之君子求福不以邪道順於天性以正直受大福鄭注禮記與高注同○禮記表記篇子曰

下之事上也雖有庇民之大德不敢有君民之心仁之厚也是故君子恭儉以求役仁信讓以求役禮不自尚其事不自尊其身儉於位而寡於欲讓於賢卑己而尊人小心而畏義求以事君得之自是不得自是以聽天命詩云莫莫葛藟施于條枚凱弟君子求福不回其舜禹文王周公之謂與有君民之大德有事君之小心詩云惟此文王小心翼翼昭事上帝聿懷多福厥德不回以受方國案兩詩義正同大明傳云回違也則此詩回字亦謂文王小心之德不違於道周語單襄公言聖人貴讓其下卽引此詩又淮南子泰族篇引此詩而釋之云言以信義爲準繩也竝與禮記引詩義合

### 思齊五章二章章六句三章章四句

思齊文王所以聖也

思齊大任文王之母思媚周姜京室之婦傳齊莊媚愛

也周姜大姜也京室王室也大姒嗣徽音則百斯男傳



大姒文王之妃也大姒十子眾妾則宜百子也疏傳文王

詞也思齊大任猶云有齊季女耳思與有皆語詞列女

傳母儀篇大任之性端壹誠莊與傳訓齊莊同爾雅齊

壯也莊壯字通大任仲任也摯國之女王季之妃文王

之母也說文媚說也夔說義相近大王居周原謂之周

姜尊稱之又謂之大姜大明傳京大也正義云京者京

師故言京室王室王季未為天子而言京者以其追號

為王故以京師言之○大姒莘國姒姓之女是謂文王

之妃也角弓傳徽美也言大姒能嗣大任之美音也後

漢書襄楷傳文王一妻誕數十男所謂大姒十子也白

虎通義姓名篇文王十子詩傳曰伯邑考武王發周公

旦管叔鮮蔡叔度曹叔振鐸成叔處霍叔武康叔封南

季載此當是魯詩傳劉向列女傳亦用魯詩言大姒生

十男其次弟合唯霍叔武成叔處字有互異耳然孟子

公孫丑篇云周公弟也管叔兄也荀子儒效篇亦云管

叔為周公兄史記管蔡世家武王同母兄弟十人其次

管叔在周公之前其說為有依據如之下皆為妾故云

眾妾韓奕傳云諸侯一取九女二國媵之諸娣眾妾也

是眾妾九女也白虎通義嫁娶篇云天子諸侯一取九

女引王度記漢書杜欽傳後漢書劉瑜傳竝云天子一  
取九女天子九女卽周禮之九嬪也王引之周禮述聞  
云周禮敘官有九嬪以下無三夫人與昏義不同昏義  
九嬪次於三夫人之下此則有九嬪而無三夫人非有  
其人而不列於此也內宰內小臣內司服追師皆但言  
九嬪而不及三夫人然則周禮無三夫人明矣周語內  
官不過九御魯語日入監九御使潔奉禘郊之粢盛章  
注竝云九御九嬪月令后妃帥九嬪御乃禮天子所御  
皆言九嬪而不及三夫人與周禮合與案昏義古者天  
子后立六宮三夫人九嬪二十七世婦八十一御妻蓋  
古者一取十二女三國來媵故后之外有三夫人有九  
嬪周制一取九女二國來媵故后之外但有九嬪無三  
夫人周南之后妃召南之夫人皆指大姒而言文王受  
命爲天子猶行諸侯禮周公制禮必效法文王故天子  
諸侯皆一取九女也周人立正妃又有次妃三人又有  
二國之媵姪娣六人通符九女之數正妃位尊九女不  
兼正妃言也正妃生十子九女應生九子合之爲有  
百子故傳云大姒十子眾妾則左百子也大姒能絕嫉  
妬之原故眾妾得生子孫  
眾多樛木蠡斯之化行也

惠于宗公神罔時怨神罔時恫傳宗公宗神也恫痛也

荆于寡妻至于兄弟以御于家邦傳荆法也寡妻適妻

也御迎也

疏

燕燕傳惠順也順讀如順祀先公之順云

言文王之祀羣神也祭法有天下者祭百神曲禮天子祭天地祭四方祭山川祭五祀歲徧又王制天子祭天下名山大川五嶽視三公四瀆視諸侯昭二十九年左傳五行之官是謂五官實列受氏姓封爲上公祀爲貴神社稷五祀是尊是奉杜注云五官之君長能脩其業者外皆配食於五行之神爲王者所尊奉凡此皆所謂羣神也雲漢篇上下真瘞靡神不宗傳上祭天下祭地與其禮瘞其物宗尊也據彼傳則此詩宗字亦作尊字解曰宗公猶言乎上公矣曰宗神猶言乎貴神矣晉語云文王於是乎用四方之賢良及其卽位也詢於八虞而咨於二虢度於閔大而謀於南宮諏於蔡原而訪於辛尹重之以周召畢榮億寧百神而柔和萬民故詩云惠于宗公神罔時恫國語以宗公爲百神與毛傳以宗公爲宗神正是一意此引詩承億寧百神句而於詢咨

度謀諏訪句不干涉也猶上文引詩刑于寡妻至下兄弟以御于家邦承刑于大妣句而於在傳弗勤處師弗煩句不干涉也解國語者皆失之矣正義謂宗公爲宗廟先公但經傳中未有稱祖宗爲宗公者亦未有稱祖宗爲宗神者孔說疏矣引王肅云文王之德上順祖宗安寧百神無失其道無所怨痛王意以宗爲祖宗公爲百神不知此章宗公泛言神下章宮廟纔說到宗廟王釋宗公平列述毛亦誤箋易毛以宗公爲大臣然順於大臣未能卽當於神明與下文兩言神義不相接悃悃爾雅釋言文楚語云又能上下說乎鬼神順道其欲惡使神無有怨痛于楚國怨悃卽怨痛傳訓正用國語悃說文引詩作侗侗假借字○釋文引韓詩云荆正也趙注孟子梁惠王篇與韓同法正義相近傳上章云文王之妃此云寡妻適妻也者寡之爲言特也適之爲言正也寡謂之特特謂之匹適謂之妃妃謂之匹義竝通也天子之妻適一餘皆妾故傳釋寡妻爲適妻猶尚書稱適兄爲寡兄矣燕燕先君之思以勛寡人此衛莊姜爲莊公之適故得自稱曰寡人禮記玉藻其於敵以下曰寡人曲禮其與民言自稱曰寡人猶天子自稱曰予一人諸侯自稱曰孤也論語邦君之妻稱諸異邦曰寡小

君以邦君妻稱寡小君猶自稱其君曰寡君也此名之  
必正者也解者竝謂寡妻爲寡德於是主一無敵之義  
久湮矣又曲禮下篇天子之妃曰后諸侯曰夫人大夫  
曰孺人士曰婦人庶人曰妻析言之也妻其通稱也爾  
雅訝迎也說文訝相迎也訝本字御假借字鶴巢甫田  
箋竝云御迎也迎于家邦言文王之接見於天下家邦  
也書大傳天子大子年十八曰孟侯孟侯者于四方諸  
侯來迎于郊者問其所不知也鄭注云孟迎也案迎家  
邦與迎  
侯義同

雝雝在宮肅肅在廟傳雝雝和也肅肅敬也不顯亦臨

無射亦保傳以顯臨之保安無厭也疏雝雝和肅肅敬

釋訓竝有其文宮亦廟也采蘋傳云宮廟也○不顯顯  
也亦臨臨也厭當依釋文作厭釋文云保安無厭也一  
本作保安也射厭也非正義云言安無厭也定本云保  
安射厭也定本與釋文之一本同正義與釋文同而釋  
文又衍一保字耳當依正義本作安無厭也四字爲長  
傳以安釋保以厭釋射先釋保後釋射倒文以明義也

以顯臨之安無戕也八字作一氣讀言文王以顯道臨民則民安君德無見戕憎之也清廟傳云無射于人斯不見戕於人矣

義正與此同

肆戎疾不殄烈假不瑕傳肆故今也戎大也故今大疾

害人者不絕之而自絕也烈業假大也不聞亦式不諫

亦入傳言性與天合也疏肆故今也繇同戎訓大殄訓絕不絕也此承上章臨保

無厭之意故傳又申明之言故今大疾害人之事自是乃絕也烈當作厲傳云厲業謂厲即列之假借執競武傳皆云烈業也烈謂之業厲亦謂之業後人不通假借之例遂改厲為烈矣箋厲假皆病也鄭所據毛詩本作厲字同而義異耳集韻十四泰引詩作厲假不瑕皆其證假大邢烈祖同假讀為瑕瑕大也爾雅假瑕皆大也瑕本字假假借字狼跋德音不瑕傳瑕過也義當同○式用也不聞聞也亦式式也不諫諫也亦入入也與不顯亦臨不顯亦世上不下亦皆為語詞者同其句例聞式諫入正是文王之聖德傳云性與天合者即是孟子

性善之義孟子盡心篇云盡其心者知其性也知其性則知天矣所謂性與天合也下章即承此意而推廣文王作人之化見聖德之章明

肆成人有德小子有造傳造爲也古之人無斃譽髦斯

士傳古之人無厭於有名譽之俊士疏造爲閔子小子

篇云成人有德小子有造大學之教也時禁於其未發之曰豫因其可之曰時相觀於善之曰磨學不陵節而施之曰馴發然後禁則扞格而不勝時過然後學則勤苦而難成襍施而不遜則壞亂而不治獨學而無友則孤陋而寡聞故曰有昭辟靡有賢泮宮田里周行濟濟鏘鏘而相從執質有族以文案此乃西京人釋詩與傳造訓爲義合書洪範云人之有能有爲使脩其行此即有爲之義也○釋文云斃毛晉亦斃也鄭作擇髦俊也一本此下更有古之人無斃於有譽之俊士也此王肅語據陸氏所見毛傳有斃獸也髦俊也六字今本奪去而衍入古之人以下十二字以王肅語攬改傳文鄭作擇正義云箋不言字誤則此經本有作擇者故不破之

案孔說是也詩作擇傳訓爲猷謂擇卽數之假借猷讀論語學而不猷之猷甫田域模髦皆訓爲俊

### 皇矣八章章十二句

皇矣美周也天監代殷莫若周周世世修德莫若文王

**疏**

崔靈恩集注下周字作也字玩箋亦然

皇矣上帝臨下有赫監觀四方求民之莫**傳**皇大莫定

也維此二國其政不獲維彼四國爰究爰度**傳**二國殷

夏也彼彼有道也四國四方也究謀度居也上帝耆之

憎其式廓乃眷而顧此維與宅**傳**耆惡也廓大也憎其

用大位行大政而顧顧面土也宅居也

**疏**

皇訓大美大之詞上帝天

也赫猶赫赫也大明云赫赫在上節南山傳云監視也莫定爾雅釋詁文版同本亦作嘆汪遠孫云文選沈約





于商邑卽其義也眷顧兒傳文顧上奪面字今從小箋補而顧顧面土者康誥云我面土惟時怙冒聞于上帝帝休天乃大命文王卽其義也宅居釋言文闕宮同潛夫論及論衡初稟篇作度宅居與度居同而土有安居下民之道故天眷而與之淮南子汜論篇引詩而釋之云言去殷而遷于周也漢書郊祀志匡衡奏議釋詩云言天以文王之都爲居也谷永傳云去惡奪弱遷命賢聖竝與毛義同

作之屏之其蕃其翳修之平之其灌其柵啓之辟之其

櫟其櫟攘之剔之其櫟其柘傳木立从日蓄自斂爲翳

灌叢生也柵柵也櫟河柳也櫟櫟也櫟山桑也帝遷明

德申夷載路傳徙就文王之德也申習夷常路大也天

立厥配受命既固傳配嬖也疏作讀爲柞載芟傳除木

作芟爾雅釋木立从苗傳所本也郭注引詩作櫟鄭司農輪入注蓄讀如襍廁之廁泰山平原所樹立物爲蓄

聲如蔽博立梟基亦爲菑菑有立義故木之立於者爲  
菑也李巡讀爲菑害之菑正義據爲說失古訓矣釋文  
引韓詩菑反草也義異爾雅蔽者翳蔽與菑通傳云自  
歟與立从對文立者爲菑不立者爲翳皆謂木之於者  
翳卽燈之假借字韓詩燈因也因高填下也毛韓訓不  
同而翳燈則聲同也郭璞讀爲蔭翳正義據以爲生木  
失之矣釋文叢生上有木字爾雅木族生爲灌孫郭注  
及家訓書證篇竝以族爲叢玉篇槨木叢生也今作灌  
樹榭釋木文說文注云榭與灌爲類非木名謂小木叢  
生者如魚子名鯢鮪案段說是也芝榭榭栗皆因小木得  
名陸疏郭注以爲榭榭之專稱恐非是榭河榭釋木文  
正義引義疏云河榭皮正赤如絳一名雨師枝葉似松  
漢書西域傳鄯善國多榭榭榭榭榭榭榭榭榭榭榭榭  
腫似扶老卽今靈壽是也今人以爲馬鞭及杖漢書孔  
充傳賜大師靈壽杖顏注云木似竹有枝節長不過八  
九尺圍三四寸自然有合杖制不須削治也榭別皆除  
也釋文剔或作影榭山桑尚書檠絲國語檠弧檠皆山  
桑山桑以別於陽桑也亦謂檠桑爾雅檠桑山桑考工  
記弓人取幹檠桑次之柘亦桑屬也胡三省通鑑辨誤  
云桑柘二木之葉皆可以飼蠶柘木抽條勁直而長桑

木敷枝擁腫而大柘之葉小而厚桑之葉大而薄今村莊園圃籬落皆有之居然可別也箋云天既顧文王四方之民則大歸往之岐周之地險隘多樹木乃競刊除而自居處言樂就有德之甚○遷訓徙與氓賓之初筵殷武同大明傳云文王之德明明於下故赫赫然著見於天是文王有明德故天乃徙就之也串習釋詁文字當作母史記田完世家宣公取母丘索隱母音貫則其字尚作母也今俗作串夷讀爲彝烝民傳彝常也瞻印同習常王肅以爲世習常道是也路大釋詁文生民同大國大也配當作妃釋文本亦作妃爾雅作妃正義云釋詁妃媼也某氏引詩作妃說文媼妃也箋云天既顧文王又爲之生賢妃謂大妣也

帝省其山柞棫斯拔松柏斯兌帝作邦作對傳兌易直

也對配也自大伯王季傳從大伯之見王季也維此王

季因心則友則友其兄則篤其慶載錫之光受祿無喪

奄有四方傳因親也善兄弟曰友慶善光大也奄

大也

**疏**

爾雅省察也山岐山也拔義詳縣篇兌猶兌兌

也般武松柏丸丸傳丸丸易直也義與此同傳  
詰對爲配者言自文王之治岐而克配上帝也此承上  
章之意下文乃溯周世德推本文王之所由興○傳釋  
大伯王季爲大伯之見王季者蓋文王之興實始於大  
伯之見讓王季之能立也釋自爲從者謂天亦從其意  
而徒就之也因古姻字如舊姻作舊因之例因訓親親  
心卽仁心說文仁親也中庸云仁者人也親親爲大善  
兄弟曰友六月同大伯讓於王季王季克循親親之心  
以善事大伯蓼蕭傳云爲兄亦宜爲弟亦宜所謂善兄  
弟也則友其兄兄爲大伯卽承則友句則篤其慶傳訓  
慶爲善亦卽承善兄弟意而申言之篤其慶猶云篤於  
親也篤厚也古充廣聲通故充有大義載錫之光王蕭  
云錫文王之大位是也巷亡疊韻受祿無亡言受祿不  
失也說文俺大也奄與俺同韓詩外傳大王亶甫有子  
曰大伯仲雍季歷歷有子曰昌大伯知大王賢昌而欲  
季爲後也大伯去之吳大王將外謂曰我外汝往讓兩  
兄彼卽不來汝有義而安大王王羨季之吳告伯仲伯仲  
從季而歸羣臣欲伯之立季季又讓伯謂仲曰今羣臣  
欲我立季季又讓何以處之仲曰荆有所謂矣要於扶

微者可以立季季遂立而養文王文王果受命而王孔子曰大伯獨見王季獨知伯見父志季知父心故大王大伯王季可謂見始知終而能承志矣詩曰自大伯王季惟此王季因心則友則友其兄則篤其慶載錫之光受祿無喪奄有四方此之謂也案韓與毛義同毛義簡略可卽韓義以證明之

維此文王帝度其心貉其德音其德克明克明克類克

長克君傳心能制義曰度貉靜也德正應和曰貉照臨

四方曰明類善也勤施無私曰類教誨不倦曰長賞慶

刑威曰君王此大邦克順克比傳慈和徧服曰順擇善

而從曰比比于文王其德靡悔傳經緯天地曰文既受

帝祉施于孫子疏引文王各本作王季昭二十八年左傳

及韓詩亦作文王公劉傳言文王之無悔禮記樂記注言文王之德皆此詩作文王之證箋作王季晉干寶晉

紀總論已沿鄭誤心能制義曰度九言皆左傳釋詩之  
文毛傳所本也各本貉靜也下衍箋云二字而以曰貉  
五言混入箋語正義謂毛引不盡箋取足之誤矣小箋  
云此章故訓本左氏已上三十三字各本係箋自屬舛  
誤今訂正貉靜爾雅釋詁文左傳禮記韓詩皆作莫其  
德音釋文引韓詩莫定也玉篇莫靜也莫與莫同類善  
釋詁文既醉桑柔瞻卬同克比禮記作克俾爾雅俾從  
也比與俾古字通比于文王比者合也言文王之德合  
於文而能王天下也周語天六地五數之常也經之以  
天緯之以地經緯不爽文之象也文王質文故天胙之  
以天下案國語言文王有文德與左傳釋詩正合正義  
云左傳說此九事乃云九德不愆作事無悔言其動合  
眾心不爲人所恨公劉傳曰民無長嘆猶文王之無悔  
也則毛取左傳之意謂文王之德不爲人恨○左傳故  
襲天祿子孫賴之襲天祿卽  
受帝祉也杜注云襲受也

帝謂文王無然畔援無然歆羨誕先登于岸傳無是畔

道無是援取無是貪羨岸高位也密人不恭敢距大邦

侵阮徂其傳國有密須氏侵阮遂往侵其王赫斯怒爰

整其旅以按徂旅以篤于周祐以對于天下傳旅師按

止也旅地名也對遂也疏傳以無是釋無然然與是同

者叛之假借字傳訓畔援為畔道而援取箋畔援猶拔

扈也釋文引韓詩畔援武強也漢書敘傳注作畔換玉

篇人部作伴換義竝同歆羨訓貪羨者歆從音聲貪從

今聲聲近義通文選孫綽遊天台山賦注引韓詩章句

云羨願也誕大登升也正義云岸是高地故以喻高位

案十月之交傳以高岸為谷喻易位則兩岸字義同言

文王無是畔道援取貪羨之心大矣早先升於高位也

○密密須國漢書地理志安定郡陰密詩密人國在今

甘肅涇州靈臺縣西五十里有陰密故城即古密須國

地世本云密須姑姓此與姬姓之密在漢河南郡密縣

者異也周語密康公不獻三女為周恭王所滅所謂密

須已由伯姑也詩密人乃康公之上祖文王之伐不必

貪羨其土地故呂覽用民篇密須之民自縛其主而與

文王則文王未嘗滅密須矣書大傳云文王受命三年



伐密須恭當作共呂覽注引詩作共密人不共猶言宋公不王耳不共不共王職也敢距大邦距文王也時文王爲西伯故稱大邦也阮共二國名文王之屬王肅云周地非也阮國無攷方輿紀要云涇州共池在州北五里詩侵阮徂其今之共池是也傳訓徂爲往侵阮侵共是密須侵我周之屬國故下文卽言伐密須徂旅之師所以討其不共也箋乃據魯詩以密阮徂共爲四國謂阮徂共三國犯周文王伐之密人距其義兵則經文當言阮徂共三國犯周而密人助虐不當先言密人之犯順其阮徂共犯周與文王之伐阮徂共不見經傳未知魯詩所據何書首章維彼四國及文王有聲有此武功箋謂伐此四國皆用魯義要當從毛義爲長○赫盛怒之兒斯語詞傳於北山大明旅爲眾而此旅爲師者師六師也密須連侵鄰封文王救患恤同於是治師伐密須猶湯之征葛弔民伐罪往取其殘而已也以讀能左右之曰以之以按止釋詁文按與遏一聲之轉文王傳遏止也孟子梁惠王篇引詩正作遏逸周書武寤篇約期于牧案用師旅案與按通傳云止者當讀如乃止齊焉之止謂步伐有節止也旅孟子作莒如齊篆作呂之例韓子難二篇文王侵孟克莒舉鄆克莒卽詩之徂旅

也旅為密須國之地名王肅用趙岐孟子注謂以止徂  
旅之寇則以旅為周地失之以按徂旅正是伐密須中  
事也孟子引詩以篤周祜無于字對遂釋言文兩無正  
傳遂安也對為遂遂又為安孟子云文王一怒而安天  
下之民即其義也蕩  
江漢傳訓同意別

依其在京侵自阮疆陟我高岡無矢我陵我陵我阿無  
飲我泉我泉我池傳京大阜也矢陳也度其鮮原居岐  
之陽在渭之將萬邦之方下民之王傳小山別大山曰

鮮將側也方則也疏邠柏舟傳據依也依亦據也定之

阜猶高丘我我周也卷耳傳山脊曰岡此承上章密人

侵阮而來陟我周之高岡也矢訓陳天保傳大阜曰陵

文選楊雄長楊賦注引此詩薛君章句四平曰陵四平

者四下平陟亦大阜也菁菁者莪傳大陵曰阿王肅云

密人乃依阻其京陵來侵自文王阮邑之疆密人升我

高岡周人皆怒曰汝無陳於我陵是乃我文王之陵阿

也泉池非汝之有勿敢飲會之案王述毛是也唯以阮  
爲周邑非○箋云度謀也小山別大山曰鮮爾雅釋山  
文孫炎注別不相連也古鮮斯聲通如瓠葉箋今俗語  
斯白之字作鮮之例墓門傳斯析也小山分析而不與  
大山相連屬者是曰鮮鮮謂山之小者原謂地之平者  
逸周書和寤篇王乃出圖商至于鮮原孔晃注云近岐  
周之地也小山曰鮮鮮原公劉作獻原兩傳義同度其  
鮮原正義以爲文王作程之事大匡篇維周王宅程三  
年遭天之大荒作大匡以詔牧其方三州之侯咸率孔  
注云程地名在岐州左右後以爲國初王季之子文王  
因焉而遭饑饉後乃徙豐焉文王初未得三分有二故  
三州也率謂奉順也案岐州當作岐周伐密須度鮮原  
皆受命三年事伐崇在六年徙豐又在伐崇之後則宅  
程徙豐中隔三年耳逸書與書傳正合而孔注亦確有  
依據也又攷孟子離婁篇文王生于岐周卒于畢郢郢  
卽程字畢終南山之道名故周人出師必由道也鮮原  
疑卽畢原矣文王度鮮原爲作下都於程邑而國仍在  
岐周故下文云居岐之陽也書缺有閒俟攷將之爲言  
牆也爾雅畢堂牆堂牆爲山崖邊側之名其水崖邊側  
亦如是也傳訓將爲側正本爾雅釋崖岸堂牆之義大

明在渭之浹傳浹厓也伐檀傳側猶厓也岐周在渭水之北韓奕箋以方爲則與此傳同王者人所歸往也

帝謂文王予懷明德不大聲以色不長夏以革不識不

知順帝之則傳懷歸也不大聲見於色革更也不以長

大有所更帝謂文王詢爾仇方同爾弟兄以爾鉤援與

爾臨衝以伐崇墉傳仇匹也鉤鉤梯也所以鉤引上城

者臨臨車也衝衝車也墉城也疏懷歸匪風同禮記緇

爲懷此懷歸聲通之證中庸是故君子篤恭而天下平

詩云予懷明德不大聲以色鄭注云予我也懷歸也言

我歸有明德者以甘不大聲爲嚴厲之色以威我也正

義引孫毓云不大聲色以加人並與傳合傳訓長夏爲

長大長長受天命大大其國都革訓更謂變易前代之

法度文王不以長大而有所更也不識不知順帝之則

言文王性與天合天亦徙就其明德以王此大邦也僖

九年左傳公孫枝引此詩以證定國之義墨子天志中

篇亦引詩而釋之云帝善其順法則也故舉殷以賞之  
使貴爲天子富有天下名譽至今不息○仇讀如公侯  
好仇之仇仇訓匹匹爲匹耦謂羣臣也上章傳云方則  
也後漢書伏湛傳湛上疏曰文王受命而征伐五國必  
先詢之同姓然後謀之羣臣其下卽引詩曰詢爾仇方  
同爾弟兄湛治齊詩其解詢爾仇方爲謀之羣臣正義  
述毛云文王伐崇當詢謀於女匹己之臣以問其伐人  
之方此與伏湛釋詩義合矣伏湛傳作弟兄又御覽兵  
部六十七引毛詩作弟兄與方爲韻各本兄弟不入韻  
今訂正○墨子倘城門篇言攻守之具十二臨鉤衝梯  
堙疑衝梯二字誤到鉤梯爲攻守具之一管子兵法篇  
凌山阬不待鉤梯韓子外儲說左上篇趙主父秦昭王  
令工施鉤梯毛傳以鉤梯訓鉤義正同又墨子禡守篇  
凡待堙衝雲梯臨之法是雲梯卽鉤梯也逸周書小明  
武篇具行衝梯梯亦卽雲梯也傳云所以鉤引上城者  
釋經援字之義臨臨車攻守具之一釋文引韓詩作隆  
淮南子汜論篇隆衝以攻又兵略篇攻不待衝隆雲梯  
而城拔隆臨一聲之轉衝衝車亦攻守具之一定八年  
左傳主人焚衝杜注衝戰車說文輜附敵車也衝者輜  
之假借字衝說文作衝壖城韓奕良相同伏湛傳引詩

作庸庸假借字耳書大傳云而伯既伐耆紂因之歸里  
散宐生陳寶于紂之庭紂曰非子臯也崇侯也遂遣而  
伯伐崇又云文王受命五年伐耆六年伐崇七年而崩  
韓子云舉鄴紂惡之似尚在六年已前舉鄴非即伐崇  
也說者因謂殷崇侯虎國在今陝西而安府鄴縣東則  
皆以鄴爲崇不知伐崇邑豐文王有聲篇畫然兩事崇  
豐爲異地明矣且文王伐崇非即滅崇也宣元年左傳  
晉趙穿帥師侵崇杜注云崇秦之與國是崇至春秋時  
尚存而其地無攷

臨衝閑閑崇墉言言執訊連連攸馘安安是類是禡是  
致是附四方以無侮傳閑閑動搖也言言高大也連連

徐也攸所也馘獲也不服者殺而獻其左耳曰馘於內  
曰類於野曰禡致致其社稷羣神附附其先祖爲之立  
後尊其尊親其親臨衝第第崇墉仡仡是伐是肆是絕

是忽四方以無拂傳第第彊盛也仡仡猶言言也肆疾

也忽滅也疏傳訓閑閑動搖第第彊盛第第有動搖之

征衝朝閑閑廣雅云閑閑亦有彊盛之義漢書敘傳戎車七

謂之言是言有大義碩人庶姜孽孽韓詩作獻獻說文

轍載高兒古言轍同聲王肅云高大言其無所壞是也

出車傳訊辭也云連連徐者連讀為輦今吳俗尚有徐

行輦輦之語周禮小司徒輦輦故書輦作連巾車連車

組輦連亦作輦此其例攸所生民同禹貢洪範攸字史

記俱作所字是攸所同義矣馘獲爾雅釋詁文訊馘出

車采芑皆曰訊獲傳云不服者殺而獻其左耳曰馘謂

軍中不能載尸但殺之斷其左耳以獻是謂之馘亦謂

之獲馘為已殺之名獲亦非生得之謂春秋獲陳夏馘

獲齊國書皆从者曰獲周禮獲者取左耳則殺禽獸以

崇德亂而伐之軍三旬而不降退修教而復伐之因壘

則文王伐崇軍三旬不降正義云於時非無拒者故得

有訊馘此即傳云不服者之義也退修教而復伐此傳

所云徐之義也安安猶連連亦舒徐之意○尚書堯典  
禮記王制周禮肆師大祝並有類上帝之文肆師注類  
禮依郊祀而爲之者說文禋以事類祭天神鄭許同用  
夏侯歐陽尚書說出征祭上帝亦是因師事而郊祭天  
故亦曰禋今字假作類類祭在郊傳云於內曰類者內  
本國郊內也對禘在所征之地而言禘春官肆師甸祝  
夏官大司馬皆作貉鄭司農注貉讀爲禘禘謂師祭也  
書亦或爲禘古貉禘聲通也肆師鄭注貉讀爲十百之  
百造軍禮者禘氣勢之增倍也甸祝注禘氣勢之十百  
而多獲說文禘師行所止恐有慢其神下而祀之曰禘  
鄭許義異詩言文王出征崇國故爾雅釋之云是禘是  
禘師祭也爾雅繫於釋天或類禘皆祭天神及日月山  
川之神故繫露有郊祀伐崇之說王制類乎上帝禘於  
所征之地禘不言祭神者略也傳云於野曰禘者野是  
征國之野先類後禘依行師之次序也野禘疊韻致讀  
如致蔡於負函之致襄二十五年左傳鄭伐陳子美入  
數俘而出祝社司徒致民司馬致節司空致地乃還  
竝與詩致字之義合羣神謂山川之神及羣五祀與崇  
社稷其致之是尊其尊也附讀爲祔而作主之祔此謂  
崇國立廟如新主合食然故云祔其先祖崇國皆有太



功義不當絕為之君為之立大宗故云為之立後是親其親也說苑指武篇文王伐崇令毋殺人毋壞室毋填井毋伐樹木毋動六畜此即是致是祔之謂也○廣雅勃勃盛也第與勃勃同乞當作乞傳云乞乞猶言言者皆謂城之高大吃乞與擊擊同聲猶言言與戰戰同聲也張載注魯靈光殿賦屹猶擊也高大兒引詩屹屹說文屹牆高兒引詩屹屹廣雅屹屹高也竝與毛傳同釋文引韓詩作屹搖也鄭箋言言猶擊擊將壞兒鄭本韓義不若毛訓為優伐肆即大明之肆伐故兩傳皆訓肆為疾也文五年左傳滅文仲聞六與蓼滅口皋陶庭堅不祀忽諸傳訓忽為滅義本諸此魏源云春秋君外曰滅又曰誅君之子不立絕忽施於崇虎致附施其先世釋文引王肅云拂違也

### 靈臺五章章四句

靈臺民始附也文王受命而民樂其有靈德以及鳥獸

昆蟲焉

疏

靈臺繼皇矣而作也皇矣言伐崇而靈臺即言作豐於伐崇觀天命之歸而於作豐驗民

心之所歸往皆文王受命六年中事文王有聲篇文王受命有此武功既伐于崇作邑于豐文王烝哉傳烝君也文王能盡君道而民歸靈德矣箋云文王受命而作邑于豐立靈臺

經始靈臺經之營之庶民攻之傳神之精明者稱靈四

方而高曰臺經度之也攻作也不日成之傳不日有成

也疏傳云神之精明者稱靈定之方中正義引爾雅靈

篇積恩為靈積靈為仁積仁為靈靈臺之所以為靈者

積仁也神靈者天地之本而為萬物之始也是故文王

始接民以仁而天下莫不仁焉文德之至也義與傳正

同靈臺靈囿靈沼三靈同四方而高曰臺爾雅釋宮文

正義引異義公羊說天子三諸侯二天子有靈臺以觀

天文有時臺以觀四時施化有囿臺觀鳥獸魚鼈諸侯

當有時臺囿臺諸侯卑不得觀天文無靈臺皆在國之

東南二十五里東南少陽用事萬物著見用二十五里

者吉行五十里朝行暮反也案此公羊嚴顏舊說也何

注莊三十一年傳云禮天子有靈臺以候天地諸侯有

時臺以俟四時舊說以天子靈臺時臺爲二何本古禮  
說天子靈臺諸侯謂之時臺其義稍異時臺卽觀臺也  
而舊說云施化有囿臺觀鳥獸魚鼈此而京人土本詩  
爲訓然則詩之臺爲囿臺矣僖五年左傳公既視朔遂  
登觀臺以望而書雲物正義引左氏說天子靈臺在大  
廟之中諸侯有觀臺亦在廟中皆所以望嘉祥也禮記  
盧注月令蔡論春秋穎子嚴釋例以及左傳賈服注皆  
同左氏說書大傳王升舟入水觀臺惡武王伐紂時稱  
觀臺也諸侯稱觀臺之證管子桓公問篇武王有靈臺  
之復而賢者進武王定天下後稱靈臺也天子稱靈臺  
之證然凡此靈臺非卽詩之靈臺詩言文王作臺耳以  
其有神靈之德故謂之靈臺是靈臺之號始於文王後  
遂以爲天子望氣之臺在文王時未有等差且臺沼囿  
同處則文王之靈臺實卽諸侯之囿臺當在郊諸儒每  
據天子靈臺在路寢明堂中者以說文王之靈臺則混  
而同之也焦循學圖云僖十五年左傳秦伯舍晉侯於  
靈臺大夫請以入杜注云在京兆鄠縣周之故臺則此  
靈臺卽文王之靈臺也三輔黃圖云靈囿在長安西北  
四十二里靈臺在長安西北四十里長安志云豐水出  
長安縣而南五十五里是豐邑在長安之西也黃圖以

漢長安縣言今長安故城在西安府之西北十三里水經渭水會豐水後越鎬水次水而東逕長安城北是長安在豐邑之東也公羊說云在國之東南二十五里即長安而北四十里也地理志文王作豐顏注云今長安面北界靈臺鄉豐水上靈臺在郊斷斷然矣。楚語臺度於臨觀之高即引此詩是經爲度也召誥云厥既得卜則經營與此經營同召誥又云庶殷攻位與此攻同傳文不日有成也五字作一句讀箋不設期日而成之韋注國語不程謀以期日趙注孟子言文王始經營規度此臺眾民竝來治作之而不與之相期日限自來成之也皆足以申成傳義

經始勿亟庶民子來王在靈囿麀鹿攸伏傳囿所以域

養禽獸也天子百里諸侯四十里靈囿言靈道行於囿

也應化也疏

經始勿亟承不日成之句庶民子來承庶民攻之句昭九年左傳引此詩杜注云言

文王始經營靈臺非急疾之眾民自以子義來勸樂爲之臧琳經義襍記云勸樂義本孟子猶禮記中庸謂子

庶民則百姓勸也。○園域疊韻故傳以域養禽獸釋經之園說文園苑有垣也垣卽域也凡園有二周禮閭人王宮每門四人園游亦如之是園在宮之中矣掌戮宮者使守內別者使守園是園與內相近矣襄十四年左傳衛獻公戒孫文子甯惠子甯皆服而朝日旰不召而射鴻於園二子從之月令疏云路門內雖是宮室所在然亦有林苑此宮中之園也委人共其野園財用注野園之財用者苑園藩羅之材園人掌園游之獸禁牧百獸注園游園之離宮小苑觀處也鄭司農云不得擅爲苑園游牧之獸雍氏禁山之爲苑鄭司農云不得擅爲苑園於山也周語數有圃草園有林池韋注園苑林積木也春秋魯有鹿園卽園鄭有原園秦有具園此在郊之園也詩之靈園當在郊傳云天子百里一都之地也云諸侯四十里一縣之地也則靈園當在縣都之內縣都爲公卿采地尚有餘地也則靈園當在縣都之內縣都爲書大傳云鄉之取于園中勇力之取楊雄羽獵賦云帝將惟田于靈之園此之謂也毛傳特據古者天子諸侯園制爲說耳孟子言文王之圃方七十里則大於諸侯而小於天子後漢書馬融傳廣成頌且區區之鄠郊猶廓七十里之園與孟子說文王同漢書楊雄傳文王園

百里民尚以爲小與毛傳同此亦依古天子制爲說也  
白虎通義云周天子百里大國四十里次國三十里小  
國二十里又何注成十八年公羊傳天子園方百里公  
侯十里伯七里子男五里徐彥疏云司馬法亦云也其  
所傳聞異辭○吉日傳亦云鹿北曰麇  
趙注孟子云麇鹿特鹿也特鹿卽北鹿

麇鹿濯濯白鳥鷩鷩傳濯濯娛遊也鷩鷩肥澤也王在

靈沼於物魚躍傳沼池也靈沼言靈道行於沼也物滿

也疏濯濯與躍聲義相近遊當作游傳於濯濯爲娛

義也廣雅濯濯肥也蓋本三家詩云鷩鷩肥澤也者也

當作兒玉篇作兒說文鷩鷩白肥澤兒引詩作鷩鷩亦

作兒新書作皜皜繫傳作皜皜何晏景福殿賦皜皜白

鳥廣雅皜皜白也玉篇作皜皜孟子作鷩鷩疏云鷩水鳥

肥飽則鷩鷩而澤好竝字異而聲同詩義疏云鷩水鳥  
也好而潔白故謂之白鳥是白鳥卽鷩鷩矣○沼訓池  
沼卽辟廱古左氏說壅之靈沼謂之辟廱是其義也傳  
云靈道行於園靈道行於沼靈道卽序所謂靈德園有

鹿伏沼有魚躍所謂文王之靈德以及鳥獸昆蟲也庶民作臺又作囿沼是民樂其樂矣孟子梁惠王篇王立于沼上顧鴻雁麋鹿孟子因引此詩三章而釋之云文王以民力爲臺爲沼而民勸樂之謂其臺曰靈臺謂其沼曰靈沼樂其有麋鹿魚鼈文選顏延之曲水詩注引韓詩章句云文王聖德上及飛鳥下及魚鼈新書禮篇引詩而釋之云言德至也聖主所在魚鼈禽獸猶得其所況於人民乎君道篇同初訓滿故充初卽充滿也

虞業維樅賁鼓維鏞於論鼓鍾於樂辟廱傳植者曰虞

橫者曰枸業大版也樅崇牙也賁大鼓也鏞大鍾也論

思也水旋丘如璧曰辟廱以節觀者

**疏**

凡經典皆言筍

猶筍也有聲設業設虞傳亦云植者爲虞衡者爲枸衡與橫通爾雅木謂之虞釋名虞舉也在旁舉筍也說文業下引詩作巨巨者假借字虞爲縣鍾磬兩旁之植木鍾磬皆編縣之鍾一虞磬一虞每虞十六枚四面六十方丘樂縣函鍾大簇姑洗南呂宗廟樂縣黃鍾大簇姑洗

族應鍾此卽宮縣編鍾之制而於磬無聞考工記梓人  
爲筍虞屬以爲鍾虞羽屬以爲磬虞鄭注云羸者謂  
虎豹貔螭爲獸淺毛者之屬羽身屬說文虎部虞鍾鼓  
之柑也飾爲猛獸篆文作虞是鼓虞亦飾獸也然古者  
但有建鼓至周始有縣鼓所謂鼓虞者周制也文王與  
周公制禮時有不同故有鍾磬虞而無鼓虞靈臺之虞  
業非卽有瞽之虞業矣枸者周禮作筍禮記作筍枸筍  
字皆不古說文椅杙也椅木名假借之爲樂縣上橫者  
之名筍卽椅之省杜子春典庸器注筍讀博選之選鄭  
司農梓人注筍讀竹筍之筍皆以擬其音耳杙人鱗屬  
以爲筍鄭注云鱗龍蛇之屬明堂位夏后氏之龍筍虞  
注云橫曰筍飾之以鱗屬說文鑄鑄鱗也鍾上橫木上  
金鸞也此皆筍之制也有瞽傳業大版也所以飾枸爲  
縣也捷業如鋸齒以白畫之縱崇牙傳讀縱爲崇牙之  
崇也正義以爲崇牙之狀縱縱然非傳悵矣有瞽傳崇  
牙上飾卷然可以爲縣也明堂位云殷之崇牙故文王時  
有崇牙而無樹羽矣虞立兩端之木枸則在虞端而橫  
設之業爲覆枸之版崇牙又爲業上之飾說詳有瞽篇  
○爾雅釋樂大鼓謂之鼗考工記鞀人爲皋陶鼓長入  
尺鼓四尺中圍加三之一謂之鼗鼗說文鼗或作鞀詩



作賁者假借字賁鼓不縣何以言之周禮鼓人掌敎六  
鼓雷鼓鼓神祀靈鼓鼓社祭路鼓鼓鬼享鼗鼓鼓軍事  
鼗鼓鼓役事晉鼓鼓金奏鄭注云雷鼓八面鼓神祀  
天神靈鼓六面鼓社祭地祇路鼓四面鼓鬼享享宗  
廟大司樂圓丘雷鼓方丘靈鼓宗廟路鼓此天子四面  
縣皆有建鼓也康成注鼓人亦本三大祭而釋之矣路  
鼓施於路寢明堂又建於路寢門外大僕建路鼓于大  
寢之門外而掌其政注大寢路寢也淮南兵略云建鼓  
不出庫卽謂路鼓矣此路鼓爲建鼓而雷震二鼓皆爲  
建鼓其入面六面四面皆可擊也吳語載常建鼓韋注  
鼓晉鼓也周禮將軍執晉鼓建謂爲之楹而樹之此晉  
鼓爲建鼓而鼗鼗二鼓禮無明文然鼗鼓見於縣篇其  
建而非縣可知賁鼓見於靈臺文王時尚無縣鼓之設  
則賁鼓亦建而非縣可知說文豈陳樂立而上見也从  
山豆凡豈之屬皆从豈鼓郭也春分之音萬物郭皮甲  
而出故曰鼓从豈支支象其手擊之也周禮六鼓鼗鼓  
八面靈鼓六面路鼓四面鼗鼓皋鼓晉鼓皆兩面豈字  
從中豆豆卽古逗字立而上見正狀其建之之形數與  
豈同意鼓下引周禮六鼓則六鼓皆立而上見之鼓叔  
重亦以六鼓爲建鼓可知周人縣鼓謂執鼓也非此六

鼓也後儒不明縣鼓爲執鼓遂以此六鼓爲皆縣鼓而并謂文王之賁鼓亦卽周人之縣鼓當之則其誤彌甚矣大司馬中春教振旅諸侯執賁鼓執猶持也時文王爲諸侯故建賁鼓又賁鼓施於軍事而於辟雍陳設之者古者軍旅之事統於學也此在文王旣伐于崇之樂○爾雅大鍾謂之鐃傳所本也郭注云亦名鐃音博那傳大鍾曰庸庸者鐃之假借字儀禮周禮及春秋內外傳皆謂之鐃或作鐃儀禮大射儀阼階東面其南笙鍾其南鐃而階之西東面其南頌鍾其南鐃鄭注云鐃如鍾而大奏樂以鼓鐃爲節周禮鐃師注亦云鐃如鍾而大周語細鈞有鍾無鐃大鈞有鐃無鍾是鐃爲大鍾明矣說文鐃大鍾濠于之屬所以應鍾磬也堵以二金樂則鼓鐃應之从金薄聲鐃大鍾謂之鐃从金庸聲說文以鐃鐃連篆合詩禮爲一物大鍾以應編鍾編磬堵以二者所謂鍾一堵磬一堵謂之肆也金當作奏樂擊大鍾以應編鍾編磬與鄭注大射說正同也鍾磬編縣鐃特縣張衡而京賦云洪鍾萬鈞猛虞趙趙負筍業而餘怒乃奮翅而騰驤此謂鐃虞也凡樂縣大夫判縣聲樂不備無鐃無特磬故晉悼公以鄭賂鐃磬賜魏絳絳始有金石之樂金卽鐃也大射陳設諸侯軒縣東面

有鑄北無鑄疑天子宮縣鑄亦東而有之南北否周禮  
序官磬師中士四人鐘師中士四人此編縣設四面故  
四人也鑄師中士止二人或即東西二鑄與○傳訓論  
爲思則上句言思而下句言樂意本思樂泮水句義而  
釋之也於論鼓鐘承上維鑄而言鄭司農鐘師注鼓讀  
如莊王鼓之鼓案此鼓亦讀同也鼓鐘與鐘鼓義別關  
睢山有樞形弓楚茨賓之初筵執競言鐘鼓謂鐘與鼓  
也此篇言鼓鐘及鼓鐘之鼓鐘將將白華之鼓鐘于宮  
謂擊鐘也詩上二句言樂具以下始言入奏奏即金奏  
也天子諸侯金奏之樂先擊鑄鼓鐘猶鼓鑄耳○辟靡  
大學也振鷺傳離澤也靡與離通辟靡者築土離水之  
旋上如璧也泮水傳天子辟靡箋辟靡者築土離水之  
外圓如璧四方來觀者均也白虎通義辟離篇引詩訓  
曰水圓如璧正義引韓詩說天子之學圓如璧並與毛  
傳同案學制四代相變在國在郊代各不同王制虞上  
庠下庠夏東序西序殷左學右學周東膠虞庠虞庠在  
國之四郊鄭注云異者四代相變耳或上庠或上東或  
貴在國或貴在郊上庠右學大學也也在西郊下庠左學  
小學也在國中王宮之東東序東膠亦大學在國中王  
宮之東西庠虞庠亦小學也西序在西郊周立小學於

四郊然則虞夏殷周各立一學唯周立四代之學周  
小學四大戴禮保傅篇及書大傳所云小學有東學南  
學西學北學是也大學亦有四文王世子上庠東序瞽  
宗三者皆大學鄭注以瞽宗爲殷學東序爲夏學而上  
庠虞學爲周成均之大學魯謂之米廩米廩卽上庠東  
序魯謂之序大司樂祭於瞽宗鄭司農云或曰祭於瞽  
宗祭於廟中引明堂位曰瞽宗殷學也以此觀之祭於  
學宮中禮記祭義篇倉三老五更於大學祀先賢於而  
學大學謂東膠也而學近而之學謂瞽宗也樂記注云  
周人立大學曰東膠蓋周人行事必於東膠凡云大學  
者皆東膠也東膠在宮東亦前代相因之制也四小學  
在四郊四大學在國中路寢明堂四門之外又有州黨  
之學爲鄉學在距國百里內又有縣鄙之學爲遂學遂  
學猶鄉學也在距國二百里內小學大學皆圍之以水  
故統謂之辟廡而鄉學不必辟廡也大戴禮盛德篇明  
堂者所以明諸侯尊卑外水曰辟雍南蠻東夷北狄西  
戎此四郊之辟廡也御覽皇親部十三引白虎通義云  
大學者辟雍鄉射之宮此國中四門之辟廡也說文云  
天子鄉飲辟廡文王世子注天子飲酒於虞庠則郊人  
亦得酌於上尊以相旅此天子鄉飲於四郊之辟廡也

月令孟冬大飲烝注十月農功畢天子諸侯與其羣臣飲酒於大學以正齒位此天子鄉飲於國中四門之辟  
 靡也其國郊制相同皆有園臺沼周制也答儒多從周  
 制大學辟靡在國中者而言之鄭駁異義以靈臺辟靡  
 在郊從殷制而言之鄭說是也王制大學在郊天子曰  
 辟靡鄭亦為殷制則辟靡始於殷王制之右學祭義之  
 面學明堂位之誓宗皆殷之辟靡也周小學辟靡在四  
 郊其殷之辟靡韓詩說在七里之內大戴禮作七里之  
 郊鄭說在面郊其遠近未聞也文王仍殷制則辟靡自  
 在郊矣又文王為殷諸侯故周人以諸侯之大學亦仍  
 殷制在郊魯頌之泮宮是也詩末二章即申言第三章王在靈沼之義

於論鼓鍾於樂辟靡鼉鼓逢逢矇矇奏公傳鼉魚屬逢

逢和也有眸子而無見曰矇無眸子曰矇公事也疏高

注呂覽季夏紀淮南時則訓亦謂鼉為魚屬與傳同說  
 文以為水蟲釋文引義疏云形似蜥蜴四足長丈餘甲  
 如鎧皮堅厚空冒鼓案此鼉鼓即蒙上賁鼓言之鄭司  
 農注考工記說鼗鼓四尺謂革所蒙者廣四尺是鼗鼓

之面其革四尺革用鼉皮也顧命大貝鼉鼓在而房書  
之鼉鼓卽靈臺之賁鼉以其制異故與大貝共爲宗器  
陳之以華國月令季夏命漁人取鼉注鼉皮又可以冒  
鼓呂覽淮南注同皆本詩而言其實鼉皮爲鼓文王偶  
用之非常制耳秦策李斯書云樹鼉之鼓此亦賁鼓  
爲建鼓之一證逢逢高注呂覽郭注山海經引詩皆作  
逢逢薛廣雅薛聲也是三家詩有作薛薛矣毛詩作逢  
逢傳云和義正同○孟子離婁篇莫良於眸子趙注云  
眸子目瞳子也周禮瞽矇鄭司農注云無目朕謂之瞽  
有目朕而無見謂之矇說文瞽目但有朕也說各有有  
朕無朕之別而其爲有目瞳子則一也鄭司農注云有  
目無眸子謂之矇說文矇無目也說雖有有目無目之  
別而其爲無目瞳子則又一也眸子卽珠子李善注文  
選演連珠引韓詩章句無珠子曰矇珠子具而無見曰  
矇疑李注有誤韓詩當作珠子具而無見曰矇無珠子  
曰矇與毛義同矇矇卽瞽矇樂工也周禮瞽矇上瞽四  
十人中瞽百人下瞽百有六十人眡矇三百人是一瞽  
矇一眡矇也公訓事謂卽瞽矇所掌播鼉祝敵墳簫管  
弦歌之事也文選注引韓詩作奏功儀禮鄉飲酒疏楚

辭九章注引詩作奏工楚茨傳  
善其事曰工古公功工三字通

下武六章章四句

下武繼文也武王有聖德復受天命能昭先人之功焉

〔疏〕文文德也文王以上世有文  
德武王繼之是之謂繼文

下武維周〔傳〕武繼也世有哲王三后在天王配于京〔傳〕

三后大王王季文王也王武王也〔疏〕武繼爾雅釋詁文  
繼即序繼文之繼

也禮記中庸篇武王纘大王王季文王之緒鄭注云纘  
繼也箋云下猶後也後人能繼先祖者維有周家最大  
此申傳義也正義謂不通數武王者非也○大王王季  
文王為三后家上世有哲王句也繼文王者復有武王  
故王為武王配天大也王配于  
京言武王配天命更炎大也

王配于京世德作求永言配命成王之孚〔疏〕求讀為迷  
迷匹也匹

亦配也爾雅釋訓釋文述本亦作求此求述通用之證  
○永長言我也永言配命言武王長配天命也文王篇  
句義皆同噫嘻傳云成王成  
是王事也文王傳云孚信也

成王之孚下土之式傳式法也永言孝思孝思維則傳

則其先人也

疏

式法楚茨同下土之式與萬邦為憲百

章篇孝子之至莫大乎尊親尊親之至莫大乎以天下  
養為天子父尊之至也以天下養養之至也詩曰永言  
孝思孝思維則此之謂也孟子引詩以明尊親先人以  
盡其孝思傳云則其先人也者亦是尊親之事序所謂  
能昭先人之功也趙邠卿以為長言孝道欲以為天下  
法則則就孝思而推廣之究非詩旨且與下土之式文  
複

媚茲一人應侯順德傳一人天子也應當侯維也永言

孝思昭哉嗣服疏

思齊傳媚愛也一人指武王傳不言  
武王而變言天子者以武王受天命



爲天子也應當資同侯訓維侯爲句中語助無意義順  
德定本作慎德古順慎二字通案此言武王有輔佐諸  
臣也大戴禮衛將軍文子篇引詩釋之云故回一逢有  
德之君世受顯命不失厥名以御于天子以申之傳以  
一人爲天子正本戴記漢書敘傳下張湯遂達用事任  
職媚茲一人日旰忘食旣成寵祿亦羅咎慝亦用戴記  
釋詩之義荀子仲尼篇主尊貴之則拘守而詳主安近之則慎  
之則謹慎而謙主專任之則拘守而詳主安近之則慎  
比而不怨卽引此詩以明臣下之事君上淮南子繆稱篇  
而不怨卽引此詩以明臣下之事君上淮南子繆稱篇  
是故得一人所以得百人也其下引詩云媚茲一人應  
侯慎德慎德大矣一人小矣能善小斯能善大矣此釋  
詩一人爲得一賢人與古說殊當出三家詩義  
而指臣下言則無甚異也○嗣服猶云繼緒也

昭茲來許繩其祖武傳許進繩戒武迹也於萬斯年受

天之祐

疏

六月傳御進也古御許聲同劉昭續漢書祭

御本字許假借字繩讀爲慎續漢書注引詩作慎其祖  
武是三家詩作慎也繩慎聲轉義通武迹釋訓文生民

武同武以止戈會意訓迹者步之假借古步武聲同也  
河水傳蹟道也說文迹蹟同字祖迹祖道也言武王有  
昭明之德求進於治又能戒以先  
祖之道也此亦則其先人之意

受天之祜四方來賀於萬斯年不遐有佐傳遠夷來佐

也

疏

四方謂諸夏也○傳訓遐為遠不遠遠也不為語  
助遠謂遠夷正義引書敘武王勝殷而旅獻獒巢

伯來朝魯語武王克商遂通道於九夷八蠻肅慎來賀  
以證傳遠夷來佐之事韓詩外傳云成王三年有越裳  
氏重九譯而至獻白雉於周公周公乃敬求其所以來  
詩曰於萬斯年不遐有佐韓釋詩與毛意同唯韓以為  
成王則上文云昭哉嗣服昭茲來許亦必指成王  
之世蓋詩自作於周公故三家釋詩每及成王也

### 文王有聲八章章五句

文王有聲繼伐也武王能廣文王之聲卒其伐功也疏

文王受命作而伯專征伐武王  
繼之伐紂定天下是謂之繼伐

文王有聲遘駿有聲遘求厥寧遘觀厥成文王烝哉傳

烝君也

疏

全詩多言曰聿唯此篇四言遘遘即曰聿為發語之詞說文吹詮書也引詩吹求厥寧吹

字从欠欠曰會意是發聲當以吹為正字曰聿遘三字皆假借字箋訓遘為述義本釋言不作語詞○烝君爾雅釋詁文釋文引韓詩云烝美也毛韓同意昭元年左傳楚公子美矣君哉孟子滕文公篇君哉舜也烝哉即君哉美嘆之詞

文王受命有此武功既伐于崇作邑于豐文王烝哉疏

文王受命受命作面伯也有此武功得有專征伐之武功也既終也伐崇在作而伯之六年也繁露楚莊王篇文王之時民樂其興師征伐也故武武者伐也詩云文王受命有此武功既伐于崇作邑于豐樂之風也又云王赫斯怒爰整其旅當是時紂為無道諸侯大亂民樂文王之怒而詠歌之也周人德已洽天下反本以為樂謂之大武言民所始樂者武也云爾又郊祀篇文王受天命而王天下先郊乃敢行事而興師伐崇其詩曰凡

芄械樸薪之慙之濟濟辟王左右趨之濟濟辟王左右  
奉璋奉璋峩峩髦士攸宜此郊辭也其下曰濟彼涇舟  
烝徒穢穢之周王于邁六師及之此伐辭也其下曰文王  
受命有此武功既伐于崇作邑于豐以此辭者見文王  
受命則郊郊乃伐崇伐崇之時民何處歟乎案二王後  
得郊天或古者受命作伯亦得郊天故皇矣詩有伐崇  
類禡之文此郊祀伐崇可為三家詩作證至文王受命  
為受天命王天下三家義而非毛義也械樸首章為郊  
祭亦非毛義史記周本紀云詩人之道西伯蓋受命之年  
稱王此當是魯詩○文王邑豐又在受命六年後也七  
年而崩見書大傳豐古鄭字說文鄭周文王所都在京  
兆杜陵西南昭四年左傳康有鄭宮之朝括地志云鄠  
縣東三十五里有文王鄭宮案漢杜陵故城在今陝西  
西安府東南而鄠乃在杜陵之西南其西漢鄠縣地今  
西安府鄠縣東五里有古鄭城澧水又在鄠城東鄠宮  
在鄠縣東三十五里鄭宮疑即文王之辟離也去鄠城  
三十里在  
近郊內

築城伊減作豐伊匹傳減成溝也匹配也匪棘其欲適

追來孝王后烝哉傳后君也疏

城依傳當作成成爲城古文假借字傳云成溝

猶城池釋文引韓詩作城沍云沍濇池張衡面京賦經

城沍東京賦邪阻城沍薛綜注云沍城池皆用韓詩也

沍本字減假借字說文瘕讀若溝沍之沍古文闕作閏

此減沍聲通之理上公之城方九里宮方九百步文王

爲而伯築城于豐從上公之禮制武王有天下率由舊

章故天子城與上公同此周禮也詳縣篇匹訓配讀若

永言配命之配○棘釋文作亟禮記禮器引詩作革正

義云棘急釋言文而禮記釋文云革急釋言文今釋言

愆急也棘革愆三字同欲釋文作愆禮器作猶鄭注云

猶道也非必欲急己之道箋云此非以急成從己之欲

同

與此

王公伊濯維豐之垣四方攸同王后維翰傳濯大翰幹

也王后烝哉疏

箋云公事也天保蘇臺江漢酌傳皆以公爲事濯大釋詁文常武同方言亦云

濯大也荆吳楊颺之閒曰濯械僕傳倬大也古濯倬同聲故倬謂之明濯亦謂之明倬謂之大濯亦謂之大矣

釋文引韓詩云濯美也大與美義相近垣牆也維豐之

垣百堵皆興也○版大宗維翰傳王者天下之大宗翰

幹也文義正同

豐水東注維禹之績四方攸同皇王維傳績業皇大

也皇王烝哉疏

豐古禮字漢書地理志右扶風鄠豐水出東南北過上林苑入渭水經渭水篇

又東豐水從南來注之鄠注引地說云渭水又東與豐水會於短陰山內水所匯處無他高山異巒所有唯原

阜石激而已宋敏求長安志引水經豐水逸篇豐水出豐谿西北流分爲二水一水東北流又北交水自東入

焉又北昆明池水注之又北逕靈臺面又北至石塢注于渭案渭南諸水唯豐爲大歷代穿引禹跡難尋然諦

觀豐水大勢大抵入渭以入河者也漢志言北流入渭與白華箋豐鎬之閒水北流皆就豐入渭近者言之此

箋謂禹治豐水使入渭東注入河解經東注之義與禹  
 貢渭會豐入河義正合蓋詩陳禹治河之業豐水東注  
 則渭南諸水皆東注矣胡渭禹貢錐指據詩東注之文  
 以為豐水北流入渭非禹故道不免以文害辭續業釋  
 詁文閣宮續禹之緒傳緒業也○正月傳云皇君也楚  
 茨皇矣傳竝云皇大也說文皇大也从自王自始也始  
 王者三皇大君也然則大君謂之皇故詁訓君謂之皇  
 亦大謂之皇矣凡皇天皇皇祖皇考皇尸皆同大王謂武  
 王也釋文辟又音婢亦反法也皇王維辟與上章王后  
 維翰句法相同翰為幹則辟為法當依陸別義為優

鎬京辟靡自西自東自南自北無思不服皇王烝哉(疏)

郡國志京兆尹長安鎬在上林苑中孟康云長安西南  
 有鎬池引古史考武王遷鎬長安豐亭鎬池也水經渭  
 水注鎬水上承鎬池於昆明池北周武王之所都也自  
 漢武帝穿昆明池於是地基構倫瓠今無可究案今西  
 安府即漢長安縣地鎬池在長安西即漢上林苑地在  
 漢昆明池之北是武王之所都即於鎬池也鎬邑名與  
 鄠為常山縣名者不同字周時渭南豐水猶大鎬京之  
 水面承豐水則引豐水為池是謂之鎬池又謂之鎬陂

又別之爲鎬水皆是豐水別流矣鎬曰京者京師也劉  
昭郡國志補注杜陵下引決錄注云鎬在豐水東豐在  
鎬水西相去二十五里箋云豐邑在豐水之西鎬京在  
豐水之東說苑脩文篇是故聖王修禮文設庠序陳鐘  
鼓天子辟雍諸侯泮宮所以行德化其下卽引此詩然  
則此鎬京辟廡卽周立四郊之小學矣周制小學在郊  
殷則大學在郊靈臺辟廡是也諸侯用殷制大學在郊  
魯頌泮宮是也○王引之釋詞云無思不服無不服也  
思語詞耳案王說是也荀子儒效篇議兵篇兩引詩竝  
云通達之屬莫不從服釋無思不服則以思爲語詞明  
矣箋與孟子注皆不以思爲語詞

考卜維王宅是鎬京傳武王作邑於鎬京維龜正之武

王成之武王烝哉疏考成也考卜成卜也王武王也宅

言作邑也傳云武王作邑於鎬京正釋經文考卜維王  
宅是鎬京二句之義箋武王卜居是鎬京之地禮記注  
武王卜而謀居此鎬邑王風譜始武王作邑於鎬京謂  
之宗周是爲而都正義云文王有聲云宅是鎬京武王



成之是武王作邑於鎬京也是孔所見之本尚不誤今各本此傳誤入上章唯李善注文選典引所引毛詩傳不誤今據以訂正

豐水有芑武王豈不仕詒厥孫謀以燕翼子傳芑草也

仕事燕安翼敬也武王烝哉疏芑草未詳采芑傳芑菜

表記云芑枸櫞也廣雅枸櫞乳苦杞也入草部行露傳云

豈不言有是也古仕士通士事也士謂之事故仕亦謂

之事晏子諫下篇晏子曰臣聞明君必務正其治以事

利民然後子孫享之引詩正作事仕讀為事其訓古矣

○詒遺也燕安翼敬言武王以安敬之謀遺其孫子也

上言謀下言燕翼上言孫下言子皆互文以就韻耳後

漢書班彪傳晉成王之為孺子出則周公召公大史佚

入則大顛閱天南宮括散宜生左右前後禮無違者故

成王一日卽位天下曠然大平是以春秋愛子故以義

方不納於邪驕奢淫佚所自邪也詩云詒厥孫謀以宴

翼子言武王之謀遺子孫也案此引詩似以得賢輔佐

為遺謀之事與文三年左傳言子桑之忠知人舉善亦

引此詩合但武王遺謀不  
止得賢輔佐所該者廣也

卷二十三終